



貴陽陳田輯

天懷尚
下
卷之五

徐石麒 十首

辛籤

石麒字寶摩青浦籍嘉興人天啟壬戌進士除工部主事以忤魏忠賢削籍崇禎初起南禮部主事就遷吏部郎中歷尙寶卿應天府丞召拜左通政遷光祿卿通政使擢刑部侍郎進尙書落職閒住福王立召拜右都御史未任改吏部尙書馳驛歸加太子太保嘉興城破朝服自縊死魯王監國贈太傅諡忠襄乾隆中賜諡忠懿有可經堂集十二卷

辛籤卷五

南雷文定崇禎末大臣爲海內所屬望以其進退卜天下之安危者劉戡山黃漳海范吳橋李吉水倪始甯徐雋李屈指六人北都之變范李倪三公攀龍髯上升則君亡與亡戡山漳海雋李在林下不與其難而死則君亡與亡所謂一死之斗極也
自靖錄刑部尙書徐石麒以輕擬行人司副罷開元禮科給事中姜垓兩諫臣罪忤上意冠帶閒住臨出都修撰劉理順賦詩贈行石麒答以詩云予曾過大梁臨溝發深思此道久已奇復發鳴寶秘早晚宜相尊龍頭親簡置既窮太乙尙復發鳴寶秘早晚宜相麻天下乃得治麒也苦瘞人所受盈其器承乏日雲省爰書失聖意投荒分所宜而況僅播棄譬如壘其者壘高勢自墜烽火滿近郊逐臣正遷次感君懷乃藥題扇以相遺頓令松柏心自益於可經堂袖有遺筆曰我生不辰會當陽九流氛陡發龍馭上賓邊遂旋揚鑿與遠遜去歲含哀忍死赴召秉銓自謂盡忠後皇卽是仰報先帝豈圖歸田不久國難頻仍于野未安王畿再破慨都會之顛覆痛不久國難頻仍于野銷亡旣不得單騎傳呼至敵營而盟誓年華哀暮又

授命若乃魂騎箕尾安問魄滯溝塗下達黃泉見父

無慙於教有士遊碧落觀帝不愧於生成期無忤乎

君親庶有辭乎忠孝以吾郡先毀卜此身存亡片語

旌心預書表志緘留數則用視後人

靜志居詩話冢李歸田之日築堂於郡旁榜曰引經

人不解其故及乙酉城被圍公度必不能守步出東

門入城破自經於堂始信公之就義立志已久蓋與

昔賢止水之意昭合焉公古今詩俱新警不作規撫

蹈襲之語鍾燦詩品以落花依草喻邱遲公實似之

田按徐公事思陵開誠尊茂黃自南齊入賀元且

鄭司寇三俊以輕比失帝意未回公言皇上御極以來

塵丹書者多大臣朝士即使盡皆情法允協已是幽

陰景色而威嚴之下棘連蔓引九死一生今皇上以

輕擬之故深督三俊恐將來必有承順風旨以斷鍊

為能事以鈞棘為精神非復皇上慎獄之本意矣疏

上三日帝御門日傳出三俊論者以為非公忠誠悟

主何以有此而亦卒以輕擬熊開元姜珠之獄落職

閑住則善者亦無如之何也公詩新穎不染輕塵真

范吳橋畧同而力較厚

辛籤卷五

贈恆亮顧山歸

吾師踏杯還短褐雲未卸時來叩重門話我碧霞下言言了

大乘不以聲聞借如珠落玉盤如泉流石罅空明無漏因然

燈照長夜余亦佛弟子六欲苦禁架鉤引入迷津毒迥含沙

射聞言豁幽理撫膺起悲悵

華山劉鍊師朝萊閒關抵吳求諸公書道德經攜歸鏤

石藏之雲壑詩以送之

蓮峯煙雲甲天下吳會煙雲長紙價日日漱雲太華巔欲來

吳會求書玄五千字字蓮花簇香霧溼煙生尺幅只恐秋風

挾字飛撥雲掃石鏤翠微芒鞋綠杖千山壑出關入關一隻

鶴曾飲明星玉女漿只乞名書不乞糧祇今秦關滿寇甲信

猿豹虎不可狎，自云劉根道。炁高靈符半寸，皆奔逃。余家舊住杜陽左，聞君西歸鼻出火。

于家系秦中

贈無幻上人

譜疏爲佛事，清課與時忘。浮碧渲生菜，餘紅帶子薑。酒因元亮設，茶與趙州嘗。時或隱几坐，塔焉不可量。

桃花寺

獨行恣幽討，入寺恍棲真。犬吠雲中豹，僧歸天際人。石壇天雨舊，松磴白鷗新。我亦忘機者，彌清習靜心。

登密因閣

深徑鎖平橋，危樓倚碧霄。水痕晴帶霧，松籟晚兼潮。隔嶺雙峯出，穿雲孤磬飄。密因微結果，怪石總相朝。

辛籤卷五

三

答王太史覺斯木末亭

攜尊過寺背，遂勝選松柯。石氣溼林莽，江光漏薜蘿。難恆此日聚，易逝若春何。不飲恐非計，來朝風雨多。

登北固

峻嶒高閣俯重關，人語鷄聲杳靄間。水落江城高一甕，湖迴海勢下雙山。愁看直北浮雲黑，欲羨歸南去雁閒。滿眼糧艘來更早，誰憐逃屋議招還。

送俞明所之任惠州

路指龍川飛蓋斜，腰間寶劍掣青蛇。到來荔子丹迎轡，此去楊花雪滿車。蠻瘴變雲成五色，海風吹雨淨千家。幽情最喜聽鸚鵡，長日垂簾到晚衙。

次文供奉啟美扇頭韻

窄窄柴門淺淺苔
碧煙深鎖待君開
借來月色能留客
賒得山居好種梅
薊北烽煙頻入夢
江南雲氣好登臺
明年此日俱無恙
再向山根醉幾迴

橋頭

經行十九年前地
一樣冬風吹鬢枯
勒馬徘徊尋舊迹
石橋

楊柳幾株

徐爾穀一首

爾穀字似之嘉興人
石麒麟子國子監生
坐事被逮死白門有畫水草堂詩稿

揚陸榮殷頭錄順治丁亥爾穀率眾持糧依吳勝北於松江事敗死妻孫氏聞爾穀死自投於河死而不

辛籤卷五

四

丙戌夜坐

萬籟劃然起
淒淒中夜聲
鐘鳴秋在寺
月出雁橫城
簫鼓當年夢
琴書此夕情
莫嫌山鬼泣
白首盡佳兵

夏允彝一首

允彝字彝仲松江華亭人
崇禎丁丑進士除長樂知縣
福王立起吏部主事
南都失守自投池水死
唐王

時贈右中允諡文忠乾隆中賜諡忠節

自靖錄彝仲聞國變賦絕命詞云少承父訓長荷國恩盡心報國矢以忠貞南都既覆猶望中興中與杏然何忍長存卓哉吾友真求廣成勿濬容如子才蘊生願言從之握手九京人孰無死不泯此心修身俟命欲勵後人
靜志居詩話幾社六子暖公以經義見長詩非專尚

然其撰長樂志竟有孝子節婦必賦詩以旌之集中樂府未嘗不合古人也野史述瑗公授命在乙酉五月第集有練川五哀詩練川城潰乃是年七月五日瑗公尙存則止水之投當是松江失守之日爾

練川五哀詩錄一

侯京兆桐曾

烈烈侯夫子負節本奇特十載罷耶官抗志眾莫測西江富文彥衡鑒饒奇識二復陟岵詩解組依親側砂礫揚中天青霾暗無色壘壘榮陽城糾糾墨翟力環塹方及泉子魚殉社稷公語兩子前生死義各得兩子泣相從之死矢靡慝外絕晉衛旅內竭鼠雀食重關泣漣洏屠毀填荆棘壯哉一門士九京同羽翼所惜蘭蕙摧沈寃成罔極

夏完淳十一首

辛籤卷五

五

完淳字存古松江華亭人主事允彝子諸生唐王遙授中書舍人事洩被執不屈死乾隆中賜諡節愍有玉樊堂集南冠草

李延是南吳舊話夏存古十餘歲陳臥子適訪其父存古出拜案頭有世說卧子閱之問曰諸葛觀逃於廁中終不見晉世祖而稽紹竟死蕩陰之役何以忠孝殊途存古拱手對曰此時當計出處苟慮顧日影而彈琴自當與諸葛為侶卧子歎曰君言先得吾心者

明詩綜鍾廣漢云陳大樽選明詩存古年纔十餘爾而宋轅文援其論詩以作序此時已許其作後進領袖矣迨十五從軍十七授命磨盾草檄不異老生宿儒信異稟矣

靜志居詩話存古南陽知二江夏無雙束髮從軍死為毅魄其大哀一賦足敵蘭成昔終童未聞善賦注

踏不見能文方之古人殆難其凡關氏成仁錄夏完淳年十六從師陳子龍起兵太湖道父遺命盡以家產餉軍子龍戰敗完淳走吳易軍為參謀被執至留都經畧洪承疇欲寬釋之謬曰童

子何知豈能稱兵叛逆誤墮賊中耳歸順當不失自
完消厲聲曰我嘗聞亨九先生本朝人傑松山香山
之戰血濺章渠先皇帝震悼哀卹感動華夷吾常慕
其忠烈年雖少殺身報國豈可以讓之左右曰上座
者卽洪經畧完消叱之曰亨九先生死王事已久天
下莫不聞之曾從御祭七壇天子親臨淚滿龍顏羣
臣嗚咽汝何等逆徒敢侮託其名以汚忠魄因躍起
奮罵不已承暉色沮無以應時完消厲聲曰當日者公與
事錢旃同在訊氣稍不振完消厲聲曰當日者公與
督師陳公子龍及完消三人同時敵血上敵國主爲
江南興義之倡江南人莫不踴躍今與公旃遂同死
以見陳公於地下豈不亦奇偉大丈夫哉旃遂不屈
與完消同死
朋詩別裁存古詩高古罕匹
田按存古詩趨步陳黃門年僅十七當其合作與黃
門並難高下赴義之時語氣縱橫淋漓瀉讀之令人悲
歌起舞

哀侯納言 峒會

忠烈簡邁姿淡然青雲志三鳳齊雝鳴翮羽拂雲際孤城戰

辛籤卷五

六

苦時日落鼓聲死始知朝陽禽亦復秋颯厲六副鍛不垂靈

風滿天地興懷募義旅言灑西州淚

贈廣武申大孚孟

君家漳水邊意氣冠河朔英爽殊不倫酒酣高歌作易水白
日寒千秋事蕭索慷慨希古人璠璣隱藜藿棄家游江干羨
馬盛揮霍天紀闇不章棲棲靡有托行行東南征舒此伯王
畧出門成侯王閉戶死溝壑覩茲乘風便始信無家樂

故宮作

朝登建康城暮宿丹陽道黃塵落日大江流紫陌微寒故宮
草故宮煙雨動新愁華屋參差成古邱當時羅綺三千戶何
處鶯花十二樓六代繁華如在眼眞龍不動河山轉春光縹

紗景陽宮月色徘徊芳樂苑細雨深宮花落遲輕風合殿香
飄遶花香十里到平康莫愁歌舞冶遊郎俠少盡騎青絡馬
交遊爭繫紫羅囊鴛鴦兩兩芙蓉沼鸚鵡雙雙玳瑁梁
景物如反掌富貴風流竟長往元武池邊暮雨來朱雀門前
春草長美女琵琶塞上行綺構連雲空復情行人夜雨烏衣
巷歸雁秋風白下城登臨千載空回首陳井梁宮竟誰有遊
鹿爭銜上苑花流鶯自轉臺城柳臺城下接孝陵西無限枝
頭烏夜啼楊花風起過江去薄暮如煙滿大堤

放歌贈吳錦雯兼訊武林諸同志

天風一吹海波立錢塘東去錦湍急片片春帆細雨中西冷
曉發西興入憶昔當年遊武林布帆絲纜清江深畫船簫鼓

辛籤卷五

七

臥涼月朱樓煙霧生秋陰此時年纔五六許但覓梨棗未解
語便知天下有吳生西陵花月風騷主先公風表漢三君朱
履三千畫埽門逢人便下南州榻滿座還聞北海尊吳生此
時席中見十載神交空半面援筆千言浚紫霞元龍湖海人
人羨那知一別三年來閭闔不知生塵埃荆榛古殿銅駝卧
弓劍荒陵金雁哀抱石千秋葬魚腹王褒泣血羊曇哭屠龍
猶解問夷門衣冠半亡更胡服風塵相遇客爲家齊拂雙龍
劍上花埋名同隱屠羊肆忍死須臾博浪沙華堂明燭良宵
會金樽斗酒離人醉醉裏論心敢放歌夢中分手還流淚幾
回憑弔舊山河形勝蕭條可奈何伍胥祠前暮湖滿蘇小墓
邊秋草多嗚呼陸郎玉樹埋黃土小陸風流隱屠買柴生賣

藥不二價徐子披裘鬻五穀君歸有語幸相傳忘憂長向酒
家眠今年白社相招處回首黃壚竟惘然悲歌卻話先朝事
抗眉休負生平志乘風一尋倉海君歸來訪汝吳門市

得漱廣計

忽得胥塘訃傷心自白頭龍蛇千古夜猿鶴萬山秋閱亂劉
琨恥招魂宋玉愁無情天目水不解向西流

寶帶稿

連天青草青極浦獨揚舸歸雁舟前落愁人夢裏聽花光明
曉霧波影亂春星欲訪威靈穴孤帆入洞庭

秋夜感懷

登樓送北望沙草沒寒汀月湧長江白雲連大海青征鴻非

辛籤卷五

八

故國橫笛起新亭無限悲歌意茫茫帝子靈

元日大霧

漠漠蒼龍闕黃雲迴不收去年今日事此地昔人愁鳥雀朝
三殿風塵辨九州扶桑新氣象玉冕拜通侯

春興同錢大作

上苑東風試早鶯故宮依舊百花明江帆入鏡移瓜步敵馬
如雲走石城金鼓平陵麟翟義旌旗滄海葬田橫傷心中夜
看牛斗醉把吳鉤萬里行

四月七日寄研德武功叔姪去年此夕與三子步月新

堤得屈平卜宅之句不意竟成先文忠之讖

園林入夏雨模糊寂寞青門恨早孤雲水相從新白社河山

如隔舊黃墟亡秦猶有張公子哀郢誰憐屈大夫重到竹林
尋二阮風流還似去年無

寒食同錢二不識賦

親朋亂後幾人存湖海交情酒後論今古文章多薄命江關
詞賦半招魂王孫一飯誰知已漂母千金敢報恩曾作信陵
珠履客幾回慟哭大梁門

睦明永

一首 明永字嵩年丹陽人崇禎壬午舉人除華亭教諭城

陷被執不屈死有世經堂集

自靖錄乙酉八月大清兵至明永集諸生申說大
義歎曰吾儒臣也老而無能世受國恩有死而已移
家人於郊外而獨居學宮作書貽子諸生本曰我本
小臣可以無死然我不能生者平日以節義自命兼

辛籤卷五

九

之賦性耿直觸境輒動且我之命名實先人深意今
豈能委父命於草莽變生平為兩截人乎殺身成仁
乃所至願雖父子之情不能顧也城陷處分家事畢
服朝服拜廟題絕命詞於明倫堂自縊繩斷投泮池
復救起被執不屈死

七夕

曲阿詩綜嵩年先生書具體鍾繇草書尤獨步一代

人間巧太多

睦本一首

本字允立丹陽人教諭明永子諸生坐事死有務菴

集

曲阿詩綜允立永歷時以中書召事發自題絕命詞
云父既死忠子當死孝千載而下不愧名教與同邑
賈王盛同殉節

病中作

殘暑侵深病蛩螿惻惻鳴月臨書榻影風裂紙窗聲酒為多
愁減詩因無寐成此時身不有何物可關情

黃清耀 十九首

清耀初名金耀字蘊生蘇州嘉定人崇禎癸未進士
家居城陷自縊於清涼菴乾隆中 賜諡忠節有陶

菴集二十二卷

四庫總目清耀湛深經術刻意學古能以躬行實踐為
務毅然不為榮利所撓如吾師自監諸錄皆其早年
所訂論學之語趨向極其醇正而平易可近絕無黨
同儕異之風足以見其所得之遠文章和平溫厚知
獲先民詩亦渾雅天成絕無儒響於王李鍾譚餘派
去之惟恐若浼可謂孺然拔俗卒之致命成仁垂芳
百世卓然不愧其生平可以知其立言之有本矣
自監錄近之為詩者承李何七子之弊或變而之郊

辛籤卷五

十

島或變而之宋元險怪誕穢無所不至而竟陵二子
起而矯之學之者復將至於為鑿為俚如唐之沈千
運孟雲卿其人已不可得況進而之李杜耶
自靖錄嘉定縣紳黃清耀破家結客同侯會峒侯
岐會等奉縣民守城城破陳慨大呼曰結髮讀書耀
年矣死無以報高皇帝烈帝偕其邑諸生淵耀
字偉恭者至西清涼菴清耀掃壁題曰宏光元年七
月初四日遺臣黃清耀自裁於西城僧舍嗚呼進不
能宣力皇朝退不能潔身草野讀書寡益學道無成
耿耿不寐此心而已僧亟止之曰公未仕可經死也
詩觀日城亡與亡此儒臣分內事耳同弟自勿死
精風格獨老運際滄桑身騎箕尾高風峻節尤堪俎
豆千秋
靜志居詩話陶菴詩堅厚無儒響由不惑於楚人之
咻然也
田按歸季思以陶菴名集黃公亦以陶菴名集二人
古詩皆擬陶然歸詩真率黃詩俊爽又各不同大抵
歸有忘世之意黃有用世之意遺時多難殉節成仁
豈徒以詩人自命耶

和陶九日閒居

癸未九日寓京邸和寄偉恭及諸親舊

羈心如秋草方枯已旋生良辰過我前端憂乃無名厲厲驚
巖巖皚皚山雪明朔雁流寒影邊鞞動悲聲古之豪俊人感
此多促齡我獨胡爲爾樽開且徐傾平吟懷惠蓮默對思公
榮知音不在側何以訴中情願爲雙飛鴻羽翼不可成

和陶詠貧士

落花墜茵席其半隨飛蓬繫賦命殊無心成化工絳灌排
賈生何侯薦兩龔得失自在彼屈伸將無同默思寒翁旨固
窮亦有通逃富豈情歟執鞭未可從

和陶雜詩

劫風吹南山化作海底塵四大互騰轉忽然有吾身狂馳百
年中擾擾分怨親豈知冰炭懷靜與虛空鄰有生會歸盡有
夜會嚮晨星燈兩翳幻吾將問化人

辛籤卷五

十一

夸者爭榮名幾人能至老孔翠傷其尾明膏不自保中台星
未坼金谷酒將燥此時褰裳去豈非見幾早咄哉彼螭蜋丸
糞死猶抱相牽入禍門歎息復何道

高人夏仲御木石隱會稽兒撫賈太尉拂衣歸蒼崖阮公稱
曠達奇志寓詠懷竟造九錫文此穢天可彌君子終曰行不
使輜重離應龍潛玄關曷識翦與羈窳乎飄風旋不消還不
虧

詠史三首

鸞鷲常特棲騷裏辭服箱古來俊傑人不在亡主堂六國昔
崩分豈無賢與良青蠅飛竿旌讒妾踞瑤房屈原旣放逐楚

事以佞攘信陵見猜疑蛙龜遊大梁悠悠狡童心仁義愁我
腸逝言空國都啖食恣虎狼往車有折軸後駕宜周防願迴
目睫智一爲辨圓方

季子過洛陽買臣懷會稽當時路人心盡是嫂與妻勢利散
瀟灑陰權生禍梯達心亮先見寡識至今迷上蔡犬可牽牽
之若龍驅華亭鶴可聽聽之若天鷄

猛虎踐機牙剖屠在鸞刀須臾決躡去百夫不敢要伯慎固
名士義真亦人豪持節臨中州奮劍清黃妖仲穎小豎子殺
之如燎毛時來生猶豫事往空鬱陶一變萬歲鳴再變當塗
高

次韻和東坡岐亭詩 并引 錄二

辛籤卷五

三

坡公岐亭詩五首其二首爲陳季常戒殺而作近代
和者頗多友兄張子灑語余曰子姑現老齋公身而
爲說法余勉應其意如坡公之數

罾師貪得魚不惜魚化汁屠伯怙殺牛不見牛眼濕嗟彼殺
業多所以遭汝得彼債旣已償汝憂差獨急微性憐朱朱愚
仁赦鴨鴨三品戒庖廚百邊謝巾幘獸炭與松明入爐平等
赤象髓與韭菹入喉平等白深坐不橫參大歡不滄憤敢邀
天公憐庶免佛子泣靜念古賢人飢驅食常缺今我餘草蔬
猶堪餉嘉客推此告同心暴殄非雅集

昔有愚小兒垂死思肉汁世人與彼同談食口常溼大罰方
後隨無肴汝猶得胡然一响甘易此八難急列柵囚雞豚排

籤戮鵝鴨驅驅黑業中何由發其冪我喜周生廚推盤藜藜
赤我念隋帝庖剖蛤毫光白爲生雖有累如僧但加幘爲帝
苟推心何異下車泣所嗟願力微不救世界缺鸞刀啟蒸嘗
折俎供賓客大哉食時觀觀彼諸苦集

嘗酌醞酬漿不食鮮饗汁嘗挹朝夕池不戀潞蹶溼五戒空
外空十善得無得放者尙云非殺者獨何急惜蟲翻搏雞絞
狸因飯鴨顛倒生愛憎何異蟹行羶今人遇勞瞪目眩成紫
赤及其視根還惟餘鼻端白悟茲空萬緣如風墮輕幘無生
自無殺無笑自無泣大明懸三光下照諸陷缺殺心如一塵
眾塵合爲客暴然冰釋時酒肆許汝集

借子宣子灑啟霖德符入西山看梅

辛籤卷五

三

巖洞有嘉名躋攀生崎嶇相顧僑侶間清冰夏眉鬢樂幽未
云遠歷險良已愚稽首告山英留我雲一區

夜泛鴛湖

積水月涓涓月斜舟稍前歸漁搖艇火宿鷺定湖天遙指塔
相對暗尋花滿煙峯巒無一點吾醉獨陶然

錢塘江

伍^伍夷去錢王畫錦空英雄如昨日陵谷自春風白鳥沈
煙外蒼山立雨中布帆輕轉怒長嘯對魚龍

泊舟

單舸時時泊浮雲故故長浪兼梟拍岸風引燕迴檣穀雨罷
收艾田歌聞種秧江南好風景留眼看吾鄉

白日

白日公然瘦青天不復高顏垣無鼠立廢壘有狐噪亂過民
生賤兵殘賊勢牢遺黎相對語毛髮尙騷騷

歲暮閒居

風破林垌野望長故人小隱在寒塘貧來蹤迹如溪友老去
詩篇似漫郎大布每縫諸弟被天吳近坼小兒裳何時買宅
成鄰並十畝春陰共課桑

送張子石再遊江右

江介鶯花自接連峭帆何處認歸船瀧分上下元同厯月照
悲歡已再圓孤舫雨聲溫昔夢高樓春思入新篇憑君莫憶
離羣者慚負匡廬又一年

辛籤卷五

丙

京邸送龔智淵南歸

書劍偕君客上京還憐客裏送君行臯廬得失元無據雨雪
零涼共有情關出穆陵黃葉暗驛逢清口白波明新詩好爲
題茅店我到應知隔幾程

黃淵耀二首

淵耀字偉恭進士涓耀弟諸生與涓耀同殉節有詩

一卷

秋水

交秋溪水清厯厯見其底木葉何紛紛白石復齒齒靜言尋
其幽蕭蕭雜葭葦水鳥衝人飛遊魚銜藻起遙聞漁者歌前

溪暮霞紫

春閨

春炙繡簾花氣滿
暗風梳草綠
短短嗁鶯破曉驚
妾心金鴨香沈
畫衣煖侍妾
勻脂催曉粧
鏡中煙柳彈眉黃
描罷雙蛾爲誰好
碎破銅片打鴛鴦

侯峒曾二首

峒曾字豫瞻蘇州嘉定人天啟乙丑進士除南兵部主事改吏部歷郎中出爲江西副使進廣東參政改浙江遷順天府丞福王立除左通政家居起兵城陷赴水死唐王時贈禮部尙書諡文忠乾隆中 賜諡忠節有內言公集

自靖錄崇禎甲申峒曾擢順天府丞未赴留都再造除左通政乙酉方屏跡深鄉邑人推其起兵入城同

辛籤卷五

五

諸大家集義勇固守孤城散家財以給軍屢戰勝外援絕勢不支城將陷急辭家廟赴池水死幼妹適大學生金德開者適歸甯借兄死於池第三子元演五子元潔俱同六子元靜亡命爲僧弟岐曾太學生踰年復爲松江陳子龍亡命疑岐曾匿之執至松江不屈死母龔太恭人贈太常少卿震陽妻也前謂子峒會曰汝父子受國恩當以身許國勿以我爲念及岐曾被執母語之曰我昔欲爲卞壺母今甯不能爲孔融母乎從容赴池水死岐曾妾劉氏次子元洵妻夏氏考功允彝女也元演妻姚氏元潔妻龔氏元靜聘妻盛氏韞真共築歲寒亭以居並守節三十餘年先後卒

宿濠梁驛

淮南殘暑退連夕起秋風
崗嶺青霄上邨墟黃葉中
未脯投古驛無寐聽疏鐘
塵境心逾寂吾將蒙叟同

陶菴枉和除夕詩疊韻再呈

顧此茫茫集百端
水窮山盡又年殘
枯蝸祇合終粘壁
威鳳

何當亦斂翰此夜送窮文字懶常年餞鴈酒杯寬天公亟報
陽和轉預有東風散曉寒

侯岐曾 一首

岐曾字雍瞻通政岐曾弟嘉定縣學生以陳子龍事
被執不屈死門人私諡文節先生

六 自靖錄岐曾丙戌十月十三日有追哭亡兄峒曾殉
節詩云吾兄志氣古人追萬旅雲從建義旗赤手銀
河非易事丹心碧血豈求知玉音說從天降金版
應憐出地悲莫向春風夢春草江家池豈謝家池

九日寓鹿城登山和蘊生

蕭瑟塵中鬢崢嶸物外心人煙知令節吾意足幽尋碧澗爭
穿石朱霞漸織林歸披雲月晚餘興若爲深

侯玄演 二首

辛籤卷五

六

玄演字幾道通政峒曾子與峒曾同死

樓雨

暮雨南樓獨聽鐘綠窗無事掩燈紅身如燕壘能安土情似
花幡欲受風試煖衣篝香爨帖待晴衙鼓響曠曠何心更說
江南樂眼底煙林似夢中

六月十四夜

蹈海何當學魯連奉親儻許託山田翫飛風景驚烏鵲感激
心情泣杜鵑一代文章傷節義百年鄉井愧生全誰知此夜
青天好鬼出殤號月正圓

王與胤 二首

與胤字永錫一字百斯濟南新城人崇禎戊辰進士

選庶吉士改湖廣道御史以言事左遷光祿寺署正
告歸甲申聞京師陷暨妻子登樓自經死乾隆中

賜諡節愍有隴首集

靜志居詩話新城王氏科第最盛盡節死者亦最多
崇禎五年吳橋兵變南趨時則保定同知象復暨其
子與夔死焉十五年城再破時則貢生與明暨其子
舉人土熊生員士雅死焉至是侍御暨妻子氏子士
和又死焉王氏之門才甲一世矣

漁洋詩話先世父侍御府君與詹崇正中以劾總兵
官鄧現忤時相罷歸甲申聞國難闔門自經南城陳

璣錄其詩與雁門孫白谷鷄曲黃海岸鈴岡袁臨侯
合刻之爲四忠詩錢忠伯贊之曰遺音危苦孤桐玉
律吟龍莫石荊猿噉月浩歌悲嘯雷風交加蟲豸不

墊象華其牙
分甘餘話先伯父侍御公詠梅云丹英在似火冰棱
自如石南枝與北枝不作春風格陳伯璣云公忠烈

之性已見於此

詠懷二首

辛籤卷五

七

咸陽多古蹟徒供騷人歌漢宮與秦闕曾不一瞬過紫閣有
仙人欲從嘆蹉跎長嘯以詠懷泛槎渡洪河見聞不可恃日
月去已多朝川在終南太息空煙蘿

阮公有密識神在酒之外越禮故遺俗凝心別有會鐘鼓不
足歡戈矛豈能害惜彼餐霞人頽性終昧味

王士和一首

士和字允協御史與詹子諸生甲申聞變隨父自經

死

靜志居詩話允協死不違親與孟忠僖比烈其妻於
崇禎壬戌城破時先自經忠臣孝子烈婦萃於一門
尤難得也

絕命詞

痛余生之不辰兮天滅我之立王我父母一聞兮涕滂沱以
彷徨以身殉國難兮維千古之臣綱嗟反面而事讎兮方臣
妾之未遑哀世溷濁兮四維不張大地無容身之隙兮願隨
我父母兮歸於帝鄉

辛籤卷五

六

我父母兮歸於帝鄉

妾之未遑哀世溷濁兮四維不張大地無容身之隙兮願隨

我父母兮歸於帝鄉

妾之未遑哀世溷濁兮四維不張大地無容身之隙兮願隨

明詩紀事

貴陽陳 田輯

辛籤

史可法

一首

可法字憲之大興人原籍祥符崇禎戊辰進士除西
 安推官徵授戶部主事歷員外郎中遷分守池州太
 平參議進分巡安慶池州副使監江北諸軍擢右僉
 都御史巡撫安慶廬州太平池州及河南湖廣江西
 諸州縣提督軍務以憂歸起戶部侍郎總督漕運巡
 撫鳳陽淮安揚州拜南兵部尚書參贊機務福王立
 拜禮部尚書兼東閣大學士改兵部進武英殿大學
 士督師淮揚累加少保兼太子太保少傅兼太子太
 傅少師兼太子太師進太傅 大兵下揚州自刎不
 殊被執死之唐王立贈太師諡忠靖乾隆中 賜諡
 忠正有集四卷

辛籤卷六

一

池北偶談康熙二十年吳江吳漢槎兆騫自甯古塔
 歸京師駐防將軍安某者老將也語之曰子歸可語
 史館諸君昔王師下江南破揚州時吾在行間親見
 人自呼云我史閣部也親王引與坐勸之降以洪承
 疇爲比史但搖首云我此時只辦一死但城中百萬
 生靈幸毋戮及王百方勸諭終不從乃就死此吾所
 目擊者史書不可屈卻此人
 望溪集左忠毅公視學京畿一日風雪嚴寒從數騎
 微行入古寺廡下一生伏案文方成草公閱畢卽解
 貂覆生叩之寺僧則史公可法也及試史呼名至史
 公公瞿然注視呈卷卽面署第一及左公下厥獄逆
 奄防伺甚嚴雖家僕不得近史公聞左公被炮烙且
 夕且死持五十金謀於禁卒使史更敝衣草履背
 筐手長鑊爲除不潔者引入微指左公處則席地倚

牆而坐面額焦爛不可辨膝以下筋骨盡脫史前跪抱公膝而鳴咽公辨其聲而目不可開乃奮臂以指撥昔日光如炬怒曰庸奴此何地也國家事糜爛至此老夫已矣汝復輕身而味大義天下事誰支拄者不速去無俟奸人構陷吾今撰後汝因摸地上刑械作投擊勢史噤不發聲趨而去崇禎末流賊張獻忠出沒斬黃潛桐間史公以鳳廬道奉檄守禦每有警輒數月不就寢使將士更休而自坐幄幕外擇健卒十人令二人蹲踞而背倚之漏鼓移則番代每寒夜起立振衣裳甲上冰霜迸落鏗然有聲或勸少休公曰吾上恐負朝廷下恐愧落公也

六安署病中感懷

待理猶繁苦抱疴公餘側枕奈如何民饑由已嗟艱食兵恃

辛籤卷六

二

逢人欲弄戈撫字無能先布德催科甯忍復爲苛白雲交瘁

左懋第一首

懋第字仲及萊陽人崇禎辛未進士除韓城知縣擢戶科給事中改刑科福王立進兵科都給事中擢右僉都御史巡撫應天徽州諸府拜兵部侍郎經理河北充通問使不屈死乾隆中 賜諡忠貞有梅花詩

草

啟禎兩朝遺詩公詩文道勁可觀
三岡識略左公懋第奉使議和 不屈死臨刑絕命詞曰漠漠黃沙少雁過片雲南下意如何丹衷碧血消難盡蕩作寒煙總不磨被難時忽風沙四起捲市柵於雲際一時爲之罷市
靜志居詩話左公將北行貽書妻給事塚大略謂國

遭大故二東不聞有斷頭穴胸以報故君者彼鄒魯
仁義之稱安在懋第北行是懋第死日也既入燕卒
以閏月十九日死於市

客燕

鼎髯攀無及親闈并莫依豈堪哀子淚時落客臣衣陵樹夢
猶見家山魂亦稀人間忠孝事意與鶴同歸

袁繼咸一首

繼咸字季通宜春人天啟乙丑進士除行人擢御史
謫南行人司副遷禮部主事歷員外出爲山西僉事
歷湖廣參議移淮陽參楊嗣昌軍事擢右僉都御史
巡撫鄖陽襄陽陷被逮戍貴州起故官總理河北屯
政未赴擢兵部侍郎總督江西湖廣應天安慶軍務

辛籤卷六

三

左夢庚降 大清被執北去不屈死之乾隆中 賜

諡忠毅有六柳堂遺集

靜志居詩話侍郎處危疑之際內抑權奸外調重鎮
備極苦心晚受命於燕京堪與左仲及比烈若江州
之焚倉猝不能戰將士當非其本心近見野紀有誣
公歸命 本朝者殆出怨家之口也軍中自銘曰死
事也易成事也難爲嬰弗克爲曰維艱張死匪先許
死匪後臣心匪他靖獻我后嗚呼父母有過則諫諫
而不從則號泣旻天撻之不忍晉陽之甲豈可訓哉
既被獲振大勝關親王傳語袁總督著隨行與以大
官做又自銘曰大官好做大節難移成仁取義前訓
是師文山袁山仰止庶幾袁山侍郎自虜也

雪日

雪片犬如掌忍飢不可鬻愧無子卿甦敢墮漢臣節鑽膈瞰
扶桑晨曦未全滅花發嶺南枝羅浮夢空結

祁彪佳二首

彭佳字幼文紹興山陰人天啟壬戌進士除興化推

官以憂歸起御史福王立進大理丞以右僉都御史

巡撫應天移疾去南都失守自投池中死唐王贈少

保兵部尚書諡忠敏乾隆中賜諡忠惠有集十卷

靜志居詩話和公美風采夫人商亦有令儀聞門唱
隨鄉黨有金童玉女之目其司理莆陽也慮閩人語
近依離預遣人前往買二籠婢詢其鄉音及升廳事
胥吏多操土語侮公公伴不知汝旬後按籍適召進
官人至一其聲其異眾驚以為神迨入為臺諫即進
封事略云凡文武內外大小諸臣必使之安其位而
後各盡其心邇來六卿九列之長詰責時聞引罪日
見因而周章急遽救過不遑竊恐當事諸臣悚於嚴
旨冀以迎合揣摩善保名位臣所慮於大節者此也
人材中下參半藉上感發其忠義鼓舞以功名今司
道有司或欽案之累由人或錢穀之輸未足降級住
俸什居二三必至苟且支吾急功赴名之心不勝其
掩罪匿帥之念臣所慮於羣臣者此也陛下聞鼓鼙
而思將帥之臣儻得真英雄即推轂設壇夫豈為過

辛籤卷六

四

一或獎拔之術未盡則冒濫之實將萌臣所慮於武
臣者此也陛下深懲惰窳特濫內臣撫按之事多令
監視正恐同罪同功反使五蒙互蔽開水火之端其
患顯敗交結之漸其患深臣所慮於內臣者此也其
言切中思陵時弊故其後亡國卒由此數端云公嘗
治別業於甯山極林壑之勝乙酉閏月六日坐園中
題其業曰園功為其難潔身為其易吾為其易者聊
存潔身志含笑入九泉浩然留天地又書曰已治館
寄葢山戒珠寺可取以斂我是夜兄子鴻孫侍側夜
分不寐公第日君子之愛人也以德逮鴻孫倦隱几
步至放生碣下投水昧且猶整巾帶立水中子理孫
班孫葬之園旁捨池館為寺塑公像於堂至今存焉

寓中清明雜興二首

風雨清明又一春桃花零亂野溪濱窗前惟有青山在歲歲

相看作故人

榆柳年前手自栽而今綠影覆亭臺虛堂淨敞荷池畔為待

銜泥燕子來

黃端伯三首

二月 端伯字元公建昌新城人崇禎戊辰進士除甯波推官改杭州丁艱歸削髮為僧福王時起禮部主事

今日 大清兵下南京死之唐王時贈太常寺卿諡忠節乾隆中 賜諡烈愍有瑤光閣東海還鄉三集

四庫總目端伯生平好佛嘗鑄私印曰海岸道人取楞嚴經引諸沈冥出於苦海之語及晚年磨去印文改鑄忠孝廉節四字終以殉國流芳可謂不負其志自靖錄端伯為杭州推官丁艱歸削髮為僧或以上聞奉旨勒問乙酉起禮部安坐私室不報名或勸削髮為僧歸江西答曰難難毋苟免聖人之言也可藉口釋氏偷息人間耶大書其門曰大明忠臣黃端伯之寓居停懼禍及乃聞於官被執角巾野服入見南面屹立命之跪不屈竟跌坐於地與之言皆對以嫚語及拔刃相向即伸頸云頭在此五月二十六日下於江甯獄端坐如平時多方說降微笑不應至九月十三日命殺之點頭而出復令降臣勸其投順終不

辛籤卷六

五

從遂令行刑適履脫大言曰頭可斷履不可失即納之至南門外水草庵前曰此吾死所也向天叩頭呼高皇帝烈皇帝將刑適報恩寺僧一輪趨過呼之代書絕命詞云覲面絕商量獨露金剛王問我安身處刀山是道場
靜志居詩話元公近體瀏亮雖注意逃禪都無蔬筍之氣絕命辭云欲識分身處刀山是道場靈運可以作佛矣

田按元公深於佛理故於死生了然小詩別有清趣

饒州道中

驅馬月當路出門風滿天野林侵露早山縣得寒先客興悲今日朋遊憶去年故鄉何處是回首意茫然

絕句為黃定之解嘲二首

二月桃源踏落花桃花千樹爛於霞人家各站桃花裏一逕

桃花是一家

新豐酒市轉林隈野樹成行小徑開
旁舍日斜初晒網綠楊洲上打魚回

雁蕩山行

詩德流子福王去召爲少詹事多疾

大小芙蓉映水村青山爲郭石爲門
幽居不記人間世祇向花源長子孫

王若之

三首山巖而戲

何育倫若之字湘容益都入以廕除南都前衛都事改戶部
兵選南員外歷郎中出爲河南參議告歸起南戶部郎中遷

山僉事以事削籍提問尋復官

大兵下南京殉難乾

隆中 賜謚節愍有湘客集

湘城藥石泉工表報

居易錄湘客孤情絕照情談如晉人服官留都放情山水三件奄寺罷官乙酉避兵姑熟干戈崎嶇獨載

辛籤卷六

六

三代古鼎彝法書名畫兼輻連軸寢食與俱其答人書云正惟草莽之中當堅守一之節遂死於難所與游者皆一代偉人詩情真無啟積氣習最工赤牘單詞片語逼似晉宋間人

山望

大其子南京獻

我愛南山好孤高海岱中曠源荒白日大陸敞秋風封禪書
何有神仙藥不逢古今無限意搔首向長空

季夏北上辭山遇雨偶題

片時眼界徵清鼻觀與之俱省脫巾解帶匡床消受荷花百
頃小芙蓉如沐林青山餘澗空益明幽風不喧人問世

山居漫興

正之

紅紫園林春事多主人樽酒恣婆娑好懷饒與芳時競一日
花開一醉歌林烟裡樹如絲小窗開卷白日陰

徐汧一首

汧字九一長洲人崇禎戊辰進士改庶吉士授檢討
歷贊善諭德庶子福王立召為少詹事移疾歸南都
失守投水死唐王時贈禮部尚書諡文靖乾隆中

賜諡忠節

自靖錄甲申京都陷汧號痛不已南中福王立咸謂
中興可望汧獨蹙然曰相無王導謝安將非祖逖陶
侃區區新造之江左分門別戶燕雀處堂其能久安
乎吾惟有一死以報十七年憂勞故主耳每指園中
池曰此止水也聞南京不守將引決於莊舍為莊僕
所覺不得死從山中夜泛小舟至虎邱月下沽酒獨
飲飲罷蕭衣冠北向稽首從容赴虎邱後谿新塘橋
下自沈死一老僕躍入隨殉

宜同呂非齋譚埽菴酌山塘

蕭簡聊從意所申招尋彌愛得其倫深杯席淹留夜過眼

辛籤卷六

七

雲山晚晚春人影連隄花作市磬聲交寺月為鄰淡娛今夕
宜同醉寂歷知懷感慨均

楊廷麟二首

廷麟字伯祥清江人崇禎辛未進士選庶吉士授編
修改兵部主事軍前贊畫貶秩尋復官福王立用薦
授左庶子不就唐王時拜吏部侍郎進兵部尚書兼
東閣大學士守贛州城陷投水死桂王贈新淦伯諡
文正乾隆中賜諡忠節有兼山集

梅村詩話伯祥別字機部為文排盪峭刻在韓蘇間
書法出入兩晉傲索靖體詩則好用奇思轅句不甚
合律然秀異聳拔往往出人機部借風子同出吾師
姜新建之門以文章氣節相砥礪既遇黃石齋先生
於京邸一見道合負直節好強諫上書論閣部楊嗣
昌失事罪得旨兵部贊畫參督師盧象昇軍事余贈

之詩曰諸將自承中尉令孤臣誰給羽林兵蓋紀實也盧與閣部議軍事不合遇機部相得甚已而中外異心兵勢日蹙盧自謂必死願參軍書生徒共死無益乃以計激之去機部不知也機部至孫侍郎傳庭軍前六日而盧公於置莊傷乃求得其尸抱之痛哭盧公之死有馬士抱之傷不深機部詩云死君旁者一掌牧通首俱妙惜佚落不全又憶其渾河詩云春至軍中草本寬亦奇句機部自盧公死後其策益不用無聊生會詔誥督師死狀賈莊前數日督師誓必戰願孤軍無援聞太監高起潛兵在近則大喜於真定野狐中衛士銜約之合軍高竟拔營夜遁督師用無援故敗機部受詔直以實對慈溪馮鄴仙得其書謂余曰此疏入機部死矣為定數語機部聞之則大恨先是嗣昌遣部役張姓者偵賈莊而其人白盧公死狀流涕動色嗣昌榜答之楚毒備至口無改辭呼以死則死耳盧部遺書馮與子曰高監一段竟乎遂以考死於是機部遺書馮與子曰高監一段竟為刪卻後世謂廷麟不及書部役耶然機部竟以此得免余詩又曰憂深平勃軍南北疏訟甘陳誼死生亦實事也已而機部過宜輿訪盧公孫再放舟婁東與錢東潤作短歌余作隲江參軍一章凡六十韻

辛籤卷六

八

余與機部相知最深於其參軍周旋最久故於詩最真論其事最當即謂之詩史可勿愧機部後守贛州從城上投隊死集竟散佚不傳
西江詩語伯祥與倪鴻寶黃石齋並以文章名天下稱爲三翰林懷宗嘗大書唐人句當軒半落天水下遠徑全依明月枝十四字唐焉國變枯槁行吟形神俱瘁每與故人尺一自署兼山蓋以兼文謝立公自况也
靜志居詩話伯祥慨慷淋漓特取材未純故辭多鬱轡
自靖錄甲申閏變公痛哭與劉同升大集紳士於澹臺祠爲烈帝發喪舉義旗誓滅賊復疆土雪列聖仇耻結連籟撫李永茂立忠誠社於贛招致四方義勇於是王其宏其隆劉明保彭子越各率家丁軍糧入社立功者幾二萬人唐王拜公爲西率兵收萬安抵秦和復吉安奉表迎唐王王拜公爲西率兵收萬安抵大學士開府南贛公念國破君亡倫安海河非計刻意圖復中原未幾而劉同升以積勞卒於軍永茂亦以憂歸彭期生與公同保孤城公將入閩會萬茂吉萬八賜名龍武新軍所謂國營者是也張安若四營以一統兵復撫州丙戌五月戰於梅林而敗兵旋散入

月 大兵攻贛州十月四日黎明城陷殉節

寄李尙書

朝聞驛使向江樓虎韞魚交羅列侯戎服畫銷南浦雨漢家
雲護北陵秋空同山下看雙節天柱灘頭領八州今想傳呼
新僕射臨淮依舊擁貂裘

丙戌元日

黃華嶺外瑞雲齊白露洲前戰馬嘶五道將軍臨直北三江
父老望征西春風斗帳降銅馬細雨戈船鬪水犀此日建康
應拜舞近臣不解賦鳧鷖

梅村詩話楊機部殉節後云已無子有康小范孝廉
來吳門攜機部在贛州詩十餘首并言其子尙在余
後訪機部子知在甯都山中甯都被百掠機部之子亦
在掠中有彭士望者機部門人以三白金贖得並求

辛籤卷六

九

得其母子置一處可謂不負機部也機部詩學素拘
折此寄李尙書丙戌元日詩高渾深麗軍中從容懷
慨戎服賦詩具見整暇七年不見其學問之進益如
此

賦拜萬元吉

二首

元吉字吉人南昌人天啟乙丑進士除潮州推官改

歸德謫永州檢校遷大理評事軍前監紀以憂歸起

南兵部主事進郎中福王立擢太僕少卿唐王時擢

兵部侍郎總督江西湖廣諸軍加兵部尙書贛州破

建贛北投水死桂王贈太師上柱國建極殿大學士兼吏部

尙書追封進賢伯諡文烈乾隆中賜諡忠節

田按萬公監楊嗣昌軍寇自楚入蜀請出奇聚而殲
之嗣昌猶豫不決寇遂逸出楚無成功此事交傳不
載公與機部守贛城幾及半載其智計有過人者卒
以食盡援絕抗義不屈哀哉

送無我上人還廬山

萬里秋聲急清楓古渡平潯陽潮自落楚岸月孤明破衲饑寒去芒鞋雨雪行廬峰遙在望慧遠定相迎

謁草廬祠

白水餘真氣高人此結廬不因求聞達祇自守清虛一鼎英雄沸數椽天地舒綸巾風骨古瞻對幾停車

劉同升 三首

同升字孝則吉水人祭酒應秋子崇禎丁丑第一人及第授修撰以劾楊嗣昌謫福建按察司知事福王立起故官不赴唐王時擢祭酒進詹事兼兵部侍郎守贛州病卒有錦鱗集

辛籤卷六

十

自靖錄孝則崇禎丁丑狀元及第當順天府井用傘蓋儀從送歸時馬上賦詩云千行馬上思視淚一寸階前報主心人已知其立志忠孝矣明年戊寅借同榜探花趙士春合疏救少詹黃道周論新輔楊嗣昌奪情孝則謫福建按察司知事士春亦謫福建布政司檢校吾朝狀元以直諫被謫者羅倫論李賢奪情張昇劾劉吉舒芬諫武宗南巡三人皆江西產而孝則復以江西人諫論可謂先後一轍不負大魁矣乙酉間道歸同楊廷麟郭維經等守吉安駐兵贛州力疾勤事城垂陷卒於贛州分巡道署中

夜宿雪山寺

鄰園已復佳鄰寺益喜僻不知何處鐘泠然共晨夕杖策行郊坰峰巒青可惜伊余厭風塵懶性宜泉石況此舊遊地昔年無賸客夜坐一燈幽明朝望三益

遊南岡寺

芳樹籠幽徑高峰入寺青人煙迷野店鳥語出危亭破寂留

僧話忘機誦佛經秋蛩若爲怨砌冷不堪聽

過豐城

細雨風檐作意斜岸移百丈過江沙水邊一樹垂垂白春晚

棠梨尙著花

彭期生 一首

期生字觀我海鹽人萬曆丙辰進士除徽州教授累

遷南昌知府改濟南謫布政司照磨遷應天推官改

南兵部主事歷郎中出爲江西僉事唐王立進參議

擢光祿少卿進太僕卿兼江西布政使守贛州城陷

自縊死乾隆中 賜諡節愍有弱水山人詩集

自靖錄南贛總督萬元吉以贛爲江廣要地非期生

辛籤卷六

十一

百年報稱正在今日祖宗承恩十二世忠孝豈讓

人以其家乃世襲海甯衛指揮同知也丙戌三月吉

安破四月八日期生遂預書遺囑一式五紙留篋中

云我爲湖西道廬陵是文文山發祥生長之地及陞

光祿少卿兼分守嶺北全集夜坐悲吟擊節自壯當

兵倡義之地每覽文山坐悲吟擊節自壯當

不使負慚色於古人也吉安城陷我軍之來河而壘

者遂皆潰逸一散不可復收盡奔至贛州而十八難

之險亦不可恃旦夕且爲吉安之續矣從今以後日

以死自期內飽烏蒿骨尋螻蟻亦爲北者招魂勿望

我生還亦無處求歸我骨埋湖西嶺北平生訓汝

故鄉魂氣無不之也孝弟忠信禮義廉恥平生訓汝

曹童而習之別無遺命卽此是遺命也贛州被圍固

守半載十月奸民內應 大清兵潛上小南門期生

亟開篋取手書遺囑五紙分授五僕曰真臺中寶蓋

樓下湖西人識其遺骸解縊排牆覆之越兩月廬陵

人杜鳳林桂芳敗垣拾遺骸膚理已委謝惟胸臆

以上不壞無慮覓棺聚屋薪焚化薪盡而心不熾遂

殮以石函瘞臺下殉節處墜鐘記之

靜志居詩話先生與楊萬諸公力保孤城死之日守

備楊大器潛收真尸瘞於萬安縣之百家村仲子孫

予甚 貽訪其遺骸未得久之鄉人胡樞知萬安縣事一夕
夢先生語曰遺骸在縣境君能歸之故鄉幸甚會大
器之友曾堯景亦以狀白樞樞資遣之至海鹽家人
詰其事皆合子女旋以血漬遺骨俱沁入乃慟哭葬
之說者比於溫序之思歸焉
田按公子孫貽有虔臺寒食怨詩云虔南草枯向南
樹吹作虔臺塚旁土臺望父荒墳石無主幾人江上
食雨紙錢溼煙飛不起五原門下客劉生治得梨
共招魂瘡海青蠅吊泉平原門下客劉生治得梨
花一杯乳獨洒西州淚數行滴入泉臺草枯苦嶺頭
孤兒望臺哭跪問道旁雙石虎何處龍蛇綿上灰浩
浩東風鷓鴣舞當是孫貽訪其遺骸未得時作也詩
中平原門下客劉生虔人劉旭章也

過湖上僧寮觀壁間伯兄題句感懷二人泫然成詠

三載重悲廢蓼莪不堪蕭寺屢經過明湖似亦知人怨故遣

寒波著雨多

馬懋功 三首

辛籤卷六

七

馬懋功字長卿桐城人萬厯乙酉副榜福王時以薦除

杭州通判擢監軍僉事進參議守吉贛出督水師兵

三灘軍敗赴水死有介石齋稿

桐舊集胡業宏曰先生久居戎幕晚被薦章海歷參
藩遂成大節詩上規杜老下法劔南不啻吉光片羽
姚椿曰公精天文象數所爲詩五七律沈雄感憤使
人流涕不已

送羅給事

相逢更何日握手淚沾襟封事傳西掖遷官去上林風雲雙

闕迴煙水五湖深宣室終前席無爲澤畔吟

經國

水旱繼兵戈閭閻病若何桑麻非舊業賦稅有新科竊恐流

亡甚還令盜賊多樞臣經國計猶望凱旋歌

書事

六尚兵壘

上相專征出未央御門推轂重恩光正從三楚收三峽頓破襄陽與洛陽裘帶從容空自翊甲兵精銳恐全亡中原回首成殘局一念遺黎一斷腸

吳應箕

十五首

應箕字次尾貴池人崇禎壬午副榜唐王立除池州節有樓山堂集二十七卷

節有樓山堂集二十七卷

蘇桓武子集次尾為詩精於辨體不襲古人不趨時向真樸澹老惟自見其志與有益於聞者而止劉城嶧桐集次尾論詩之指曰詩古文辭其義一也古文之道惟樸與堅斯其至者詩何必不然且詩本性情述志意心口相傳宜無他假者而以諧聲傳韻裁取成章已不能在離合間况復資之撥拾專尚

辛籤卷六

七

華麗哉其失也偽是謂無詩吾生平不為擬古強笑不歡非中懷所達故也蓋次尾之論如此相其旨趣要離所持論

陳忠裕集次尾博極羣書通世務善古文獨慷慨負大略此其可以詩人目之哉顧天下弘嘉諸君之失如次尾者嘗與余酒酣細論其言曰言性情而詩亡豈性拘體法而詩在余人之得也則甯失而已矣尾之詩其情之言足以嗚呼與其得也則甯失而已矣尾之詩其不過可考而知也豈與今之同日語哉

學問如甲申應箕上書當事言江北三鎮靖南侯黃自靖錄甲申應箕上書當事言江北三鎮靖南侯黃得功獨忠勇東平侯劉澤清廣平伯劉良佐反覆不保武昌上游甯南侯左良玉萬難恃而其大要則以史可法宜在內閣不宜駐紮揚金陵不守應箕與同邑徵士劉城痛哭約鄉人果烈有心膽者同事得四五萬人應箕指揮分爲四師一師出東流一師出建德一師出聲勢頗震屯兵池州城南九十里泥灣聲相為倚角聲勢頗震屯兵池州城南九十里泥灣池州知府遣人招降應箕斬之大將于承綬率師從徽州間道出應箕後頃背受敵應箕故營大樓山上與大清兵鏖戰殺傷相當終以眾寡不敵被執引頸受刃神色自若授命處血迹久存洗之不去

靜志居詩話先生羅九經二十一史於胸中洞悉古今興亡順逆之迹當崇禎中預慮燕都之必不能守聞者皆笑其迂而先生持論侃侃不阿也名雖不登朝籍而人才之邪正國勢之得失瞭如指掌撰有憲朝忠節傳二卷兩朝剝復錄十卷留都見聞錄三卷東林本末六卷續觚不觚錄二卷其書或傳或不傳可以當龜鑑矣分宜張爾公稱先生人文似陳同甫是誠知言

田按樓山詩五言僕老長於詠史復社中殉節諸公義魄鬼雄如樓山維斗日生古武公公且輩難更僕數可以雪結社亡國之恥矣

長川立秋無風而四野皆人土無常葉颯賦風中雲自出

五載屆斯辰風塵悵擾攘今茲肅高居忽復逢秋爽微雨洗繁林輕飄蕩纖纒幌庭植相與鮮煩襟亦以蕩憩松說沈陰撫琴弄新響清商未央來積暑漸以往宿志耽墳籍欣承氣清朗把卷欲忘言散髮酬心賞

辛籤卷六

古

題別姚子雲

元台韓姬命如璜陳士業弘緒

姚子句吳秀吐氣薄氤氳韓生雅澹才閉戶日雕文往來陳與吳杯酒何慙慙一朝塌秋翮惜別長江瀆涼颯厲霜夜葉隕空紛紛離獸多悲音高鳥哀違羣矧予敦情好悵焉襟袂分川原杳無極何以接芳芬人生無常聚飄如風中雲自此慎歧路久暫非所云

和周仲馭十四哀錄六

楊忠烈公隸

憶昔甲子年遂獵聚京陌時傳中丞疏讀之摧肝魄豈期激禍機滔天生蛭隙越高麗且馴王聖天方劇悲哉陳實身鍛鍊銷金石貫木骨已糜埋草血成碧嗚呼天聽高甯念捧遺

冊忠臣不恤死要在安宗祏大義爭移宮烈風號奄

魏忠節公大中

魏公既通籍十年懷一衣天性好峭潔攬轡願無違豈不歎
明哲義激履危機鄭崇死規節王章慘訕譏銀鑄骨一具烈
烈生光威子也感獄對淚落不能揮悲哉賢茂才父子同所
歸

周忠介公順昌

道喪善類殃高張譏夫喜吏部千載人脫鉤良獨恥魏公躬
就逮慷慨悲不止締婚非急交用以羞儉鄙李膺囊三木范
滂無生理生平冰雪姿蠛蠓拚一死天地爲震怒風雷立移
徙招魂江上來惻悽滿蒿里不見彪虎儔駢僂同羊豕

辛籤卷六

五

高公攀龍

梁谿高夫子蹈道本洙泗當其秉憲時搏擊先梟鷲一自鉤
黨連爲善無遺類皇甫恥已漸景毅志亦遂傷哉故大臣而
敢煩獄吏拜表入清流汨羅榮易簣自古皆有死烈者罹宦
寺趨游和藥來視茲無異致

萬公燦

郎中抗疏時聖朝驚一鶚誰知鳴吻張白日沸鼎鑊解衣趨
就烹談笑若綽約男兒既讀書志在辦溝壑得從龍比游豈
不賢圭爵長安大道傍千載憐孟博節甫安在哉嗟彼空狐
貉

劉公鐸

磊落劉知府十年始一麾題詩決西市長夜使人悲秦刑腹
周內漢律意增移悲哉文字劫有道恥言危巍巍九千歲頌
德不自瑩誰能呪詛死風流亦可師

述懷

舉世急干祿小儒矜詞章爛然麗雲錦誰知大道亡絕學恥
非聖況以鶩荒唐所貴炳星日析義訖精茫董生蔽災異王
何繆老莊微言苟未絕歧路慎軒張

苟或事賊曹晚乃飾名迹嗣宗躬放達而暱司馬側既爲鳳
凰姿故不矯厲翼豈有麒麟德受羈于犬食辭婚善全宗至
愼巧販國詠懷好詩詞能無自愧惡

魏晉賤守節頑執稱通人爲文事靡麗誰能窺道真六代一

辛籤卷六

六

元亮邈焉至德鄰讀書非不解恥爲詞章倫賦詩時見志飲
酒亦還醕尊聖契經理狂歌不厭貧達生萬自祭深懷記避
秦劉宋何能屈陶然漉葛巾

相如射財利竊婦良不恥得志還成都縣令躬負矢詞賦工
詭奇駟馬何足齒嚴助仇友摺主父勢相倚賤貧意氣卑富
貴誇戚里大道忘寒炎達識齊通否衣錦世所榮無爲君子
鄙

寄嚴印持西湖兼問子岸

自昔風流在高居靜若禪曾蒙十日飲尙缺一書傳鶴嶼秋
誰問鵝經老更妍嚴工書過庭應閣筆魯殿可歸然

高皇昔神武和州初濟師豈知壯哉縣遂爾汙爲池汝頰空
連絡江淮斷鼓輦殺人十五萬莫使聖明知

閒看

閒看處堂喜真稱舉國人猶殺李范運不及齊梁寂寞臨

春閣悲涼石子岡只餘諸葛恨頸血濺淮揚

史公道鄰

金聲

一首

聲字正希休甯人僑寓嘉魚崇禎戊辰進士選庶吉
士遷山東道御史告歸起故官及山東僉事均不赴
福王時超擢左僉都御史不赴唐王立授右僉都御
史兼兵部侍郎巡撫徽甯池泰等處提督軍務
兵下江南被執不屈死贈禮部尙書諡文毅乾隆中

辛籤卷六

七

賜諡忠節有燕諭堂尙志堂集

自靖錄大學士漳浦黃道周過新嶺賦絕句云殘棋
唾手已難工又是論人成敗中但說丹心何所用一
時張眼念賊洪自注云新嶺上弔金正希死時所用江
天一諸賢從之足爲吐氣中書舍人華亭夏完淳賦
六君詠其第五章輓金司馬聲云司馬盛才氣豪舉
不可親翩翩雲中龍渺忽誰能馴牙旗風蕭蕭慟哭
驚鬼神輕生貴任俠英英殊逼人功名盡一劍壯志
苦不伸縱橫一世間卓犖誰比倫

賦得拊髀思頗牧

耶吏道已雜買官牧牛羊爵祿雖武功買官入疆場壯士負
才氣百戰裏千瘡大傑觀時務隱身自迴翔天子難得見當
路重篋篋莫有念亂人覆謂將才荒孰肯蹈死地反傾橐中
裝孰敢擲平生付人論短長衛霍絕大漠漢廷無鼓簧惟願
天子出停車式螳螂郭開言一入廉李氣不昌諫罷隨拊節

古人快馮唐誰秉國成者搜才應多方明主可忠言何哉尙
括囊

江天一 一首

天一字文石歛人諸生從金聲起兵唐王授監紀推
官參軍事兵敗被執不屈死乾隆中 賜諡節愍有

止菴集

拜御史大夫景公墓

委質原來卽致身不因富貴喪吾真燕雲甲冑無榮爵湯武
衣冠有愧臣斷首死猶爭順逆孤忠氣已歷星辰山深徑仄
烏噓急疑是魂悲志未伸

麻三衡 六首

辛籤卷六

六

三衡字孟璿宣城人貢生屯師姑山兵潰被執死於
市唐王時贈國子監學正

陳貞慧山陽錄孟璿偉幹疏髯有志節好將帥之略
然淹雅博文所著花瑣志古香流麗得晉唐風氣
自靖錄孟璿博學能文與徵士沈壽民俱知名復社
中身長七尺美鬚髯喜奇服力能挽強射堅好馳馬
擊劍談兵法習天文五行奇門六壬諸家言家故富
輕財好施客多歸之至是益出家財募士旬日得數
千人遂起兵於稽亭兵敗被執作詩題募室中牖
上云吳越連沙漠天心不可謀慢留千丈髮笑看百
年頭若水心猶烈平原志未酬清風吹宛句朝暮五
湖秋
靜志居詩話孟璿注名復社遼賦無衣陳安未克生
還狼曠已得死所詩殊超超朗朗

西山四首

西山不可望萬里遠傷心落日照荒野亡猿懷故林亂流吾
欲渡歧路亦何深誰是冠纓者蕭蕭薇蕨吟

黃河流不盡北燕至何爲冠蓋空三輔鯨鯢盡赤眉魂銷分
劍日心折覆巢時野哭千山暮無人慰黍離
世亂忽如此國恩誰與倫徵兵到甌脫揖盜自重闔貧賤懷
知己已褻忘至尊中宵望北斗不敢賦招魂

終日如有失相看何所求一身隔江海雙淚滿滄洲父老疑
猶在東南渙不收中原多李郭早晚急同讎

玉河

玉河水昔漢宮秋故國煙花生遠洲青女明璫爭夜月黃頭
翠羽舞伊州夢回塞上雙流淚家在淮南獨倚樓多少東門
種瓜者飛蓬搔盡不勝愁

徐復生移家丁橋予亦移家稽亭

辛籤卷六

九

風雨西村烏鵲稀南州孺子臥牛衣南山茅屋白雲滿十里
句溪紅葉飛亂後知交斷消息愁中耕鑿聊因依卜居我亦
入山去輸爾江鄉蝦菜肥

沈壽堯一首

壽堯字景山宣城諸生舉兵應金聲戰死

山晚

山外日初夕山中人已歸風來移鳥宿月出照螢飛竹氣寒
生榻荷香冷襲衣一村深遠樹燈火自依依

楊文驄十一首

文驄字龍友貴州衛人參政師孔子萬曆辛酉舉人

除華亭教諭遷青田知縣改永嘉江甯以事奪官福

王時起兵部主事歷員外郎中遷兵備副使擢右僉
都御史巡撫常鎮兼督沿海諸軍唐王立拜兵部侍郎
郎進浙閩總督 大兵入閩被執不屈死有山水移

洵美堂兩集

陳子龍安雅堂集龍友詩有幽峭之思沈鬱之色壯
烈而不失和平衷曠而中存莊雅

刑防石白集洵美堂詩紆徐以導遠篤摯以達情引
物連類廣博曼衍屢出靡涯而源流師法燦然可指

書禪室隨筆龍友生於貴竹獨破天荒所作台蕩等
圖有宋人之骨力去其結有元人之風韻去其佻出

入惠崇巨然之間觀止矣
讀書錄龍友工畫善用墨初為華亭學博從董文敏

精畫理然負質頗異不規規雲間蹊徑也後貴陽之
勢漸張急於功名不復唱渭城人有求者率皆盛伯

含林玉兄弟及施兩成捉刀
黔詩紀略龍友少負奇偉文章劍術兼擅其能尤眈

書畫好短衣矢箠馳惡馬逐健兒射坐草間燒燄
為樂意有所會即伸紙潑墨如風馳雨驟不能自休

辛籤卷六

三

移家南京日與諸名士結社角藝酒酣耳熱抵掌時
事意氣橫出一座盡傾好游覽遇佳山水賦詠圖畫

充物行橐尤蓄意天台雁蕩崇禎元年其父師孔參
政浙江乃得游焉哀所詩文圖畫題曰山水移是

時龍友年才三十三書名噪大江南北迴在詩文之
上其後以職方監軍京口吳梅村為畫中九友歌云

河龍北固持戈矛披瀝赤壁思劉酒灑墨橫江
樓蒜山落月空悠悠以龍友與董文敏王太常王廉

州諸人並稱其傾倒一世可知矣龍友侈結納耽聲
伎一歲費常鉅萬豪士每略小檢速明社既屋士夫

多肥選自全獨須與不忘故國閒關流離中獨阻兵
負固屢抗六師父子家人膏斧鑕而不悔大節錚錚

亦可謂烈丈夫也已
田按龍友詩畫均負異才南遊江浙畫學得師友而

精遂為吾齡一大宗詩則與王季重陳木叔輩遊頗
稜時君然後骨妙趣猶時露於字裏行間也大節核

稜豈徒踞畫苑騷壇一席

與董玄宰先生論筆墨

惜墨不在墨要知先惜水苦心不問手對鏡豈謀紙看君澹

墨時濃淡皆有理毫端噓董巨硯池活范李滴滴生氣飛尺
幅幾千里

過胡元振齋中看畫

散步啟衡門初桐引修逕巷若無居人冷翠自相映爲尋太
始音聞叩山水性置吾羲皇間泉源在微磴墨光冷山候素
氣澄水量坐久忘丹青倚壁究觀聽

廢宮

亂巖如犬牙適與哀湍會不知何代宮傾倚衰草外畫壁滿
蟲涎石蘿相映帶古柏饒幽姿童僕擁青蓋悲風薄暮生遠
近咽竽籟初制豈不偉吾生亦有在歎息緩行坐前望車馬
晦

辛籤卷六

三

梁溪喜逢唐季陶依韻奉答

各看鬚鬢憶當年纔得逢君又黯然煙水款留高士榻黍雞
供應故人船新篇嚼雪魂相勞舊事流雲夢已傳汲取泉香
頻翦燭渾忘逆旅韻俱仙

吳門別薛千仞還四明

俗薄唯君古道存不於臨別始銷魂身餘白髮酬朋友家習
青箱善子孫西閣雲歸遲返棹南枝花發待開樽四明山水
神仙宅應羨文星隱鹿門

縉雲道中

板輿終日聽無窮半是松聲曳亂峰野水若迎奔道白山花
如訴照溪紅鳥忘煙火非凡羽人習耕耘帶古風樹頂殘陽

時作彩丹爐隱隱欲相通

京口與潘無隱

坐擁澄江意自閒
好峰如戟障蛟關
帆吹雲影憐知己
月送潮音慘客顏
酒浪夜深高鐵甕
筆花醉裏撼金山
獨愁把臂翻成別
明日橋東第幾灣

題畫

一抹寒林水一灣
幽人情性頗相關
胸中自寫塊礪氣
筆底何妨斧鑿斑
生卷老雲皴白石
不將媚骨點青山
便如個裏幽棲客
更要何人相往還

雪霽訪山中友人

凍色一千尺
峰峰依去馬
應有素心人
出沒溪煙下

辛籤卷六

五

雜題

煙火岸邊村
鶯花溪上寺
獨有素心人
放歌時一至

朱雀航

野航月冷草蕭蕭
曾照當年劫火燒
遺恨至今流不斷
酸風昨夜返寒潮

孫臨六首

臨字克成一字武
公桐城人貢生
唐王時授監軍道
副使兵敗被執
不屈死乾隆中
賜諡節愍有楚水吟
我惺集肆雅集大略齋稿

張于烈苞山集克成負不世出之才年甚富學甚博
故修詞典麗氣尚淵穆
方以智密之集克成肆雅集自樂府以下反復詠歎
其指遠其思深

錢秉鐙田間集武公魯岳方中丞之婿爲人風流俊
爽曉聲律習騎射嫻技擊會中丞撫楚屢與賊戰武
公嘗雜騎士中躍馬深入時於馬上賦詩爲樂避寇
白下嘗大雪扶所匿妓騎而游鍾山每感慨時事輒
悲歌泣下南渡立國武公遇之於台州會蘇陳鄧子徐復
菴謀舉兵不果後在依其兄於台州會蘇陳鄧子徐復
菴募兵龍泉以書招君遂奏授副使監其軍事丙戌七
月大兵取閩與文驄行至浦城追及之遂俱死
鸞尾續文武公少讀書任俠與里中方密之爾止周
農父錢飲光齊名所爲歌詩古文詞流傳大江南北
好談兵式製木牛流馬式著平地能自旋轉如生陳
大樽贈詩曰孫郎磊落落天下才龍文手握雙玫瑰自
言三卷授黃石談兵說劍如風雷著其事也
莫友芝邵亭集始余讀余懷雜記云楊中丞文驄父
子三人同日殉難又云楊龍友殉節閩嶠無遺種也
唯老女竟歸金陵依家僕以終天年每歎錚錚忠烈
如楊公竟斬焉弗嗣拚卷不怡者久之意仙霞忠魂
欲求梅花嶺之衣冠一杯益不可得矣道光末桐城
孫起瑞心筇來巡貴州糧儲得讀其家譜乃知龍友
骨歸孫氏與觀察高祖之父武公副使合葬又附見
楊氏後裔於附之獨不能解者一旦釋然龍友好推
獎名士亦附之獨不幸爲馬士英戚予人譏端當

辛籤卷六

三

福藩時大獄層與阮大鉞羅織善類心致死者龍友
必委曲調護保全蓋數十計固宜其有後也
田汝武公與楊龍友同事死則孫氏與戶同歸方爾
止哭龍友武公同日死難詩云姑蘇城外轉旌旗士
馬蕭蕭我獨隨自愧江東行不果祇因堂北養無兒
周郎再造威重震漢鼎難移死自期況有參軍同志
節臨行慷慨復何悲可以見其義烈矣

短歌行

撞鐘伐鼓誰將爲歡日月迭微良時盤桓一解感感靡騁瞻彼

四方心之憂矣難解杜康二解肅肅秋風首如飛蓬座客常滿

樽酒不空三解冬有肥羜夏有肥羶乃飭爾肴用速爾徒四南

飛鳥鵲繞樹哀吟縱橫烈士撫劍雷音五解良今之人單綸不

周安望衣被禦寒九州六解

哀長平

田間集五公魯岳方中丞之婿爲人風流俊爽曉聲律習騎射嫻技擊會中丞撫楚屢與賊戰武公嘗雜騎士中躍馬深入時於馬上賦詩爲樂避寇白下嘗大雪扶所匿妓騎而游鍾山每感慨時事輒悲歌泣下南渡立國武公遇之於台州會蘇陳鄧子徐復菴謀舉兵不果後在依其兄於台州會蘇陳鄧子徐復菴募兵龍泉以書招君遂奏授副使監其軍事丙戌七月大兵取閩與文驄行至浦城追及之遂俱死鸞尾續文武公少讀書任俠與里中方密之爾止周農父錢飲光齊名所爲歌詩古文詞流傳大江南北好談兵式製木牛流馬式著平地能自旋轉如生陳大樽贈詩曰孫郎磊落落天下才龍文手握雙玫瑰自言三卷授黃石談兵說劍如風雷著其事也莫友芝邵亭集始余讀余懷雜記云楊中丞文驄父子三人同日殉難又云楊龍友殉節閩嶠無遺種也唯老女竟歸金陵依家僕以終天年每歎錚錚忠烈如楊公竟斬焉弗嗣拚卷不怡者久之意仙霞忠魂欲求梅花嶺之衣冠一杯益不可得矣道光末桐城孫起瑞心筇來巡貴州糧儲得讀其家譜乃知龍友骨歸孫氏與觀察高祖之父武公副使合葬又附見楊氏後裔於附之獨不能解者一旦釋然龍友好推獎名士亦附之獨不幸爲馬士英戚予人譏端當

長平日夕悲風起四十萬騎一時死燐火蕭蕭陰雨青茫茫
白骨土花紫衰草黃沙寒日曛山空曠野度秋雲西望咸陽
杜郵道不須重弔武安君

夕安憶歸

江流亦何急游客思方深動是經年別空懷故國音青山時

入夢白草日相侵安得理輕棹行行慰我心

客居金陵張兆蘇曹梁甫見訪卽聞賊信

荒煙朝夕暗城東懷夢階前青草藜兩馬日中知赤白雙龍
江上定雌雄聲悲袖實千夫墨影落靡蕪六代宮兵火與君
皆痛哭長纓猶望請終童

塞門歌

辛籤卷六

五

白草胡兔驕控弦天下健兒聞笳聲一聲齊上馬

江上曲

唳月孤鴻夜雨霜悠悠江水平帆長傷心兵火無消息不願
逢人問故鄉

錢楳

三首

棟字仲馭嘉善人大學士壬子崇禎丁丑進士除

南兵部主事遷郎中改吏部擢廣東僉事未赴乙酉

起兵蘆衢兵潰至震澤投水死贈太常寺卿諡忠貞

有新儒園詩三卷文部園詩三卷

自靖錄仲馭乙酉起兵蘆衢三吳志士多挈家依之
八月兵潰將從開道至椒州十七日泊舟震澤聞湖
中駭聲震天眾寡不敵投水死小僮秋煙從而赴水
持其衣襦不舍明目有友人錢秉鑑在上流呼楳字

秋煙屍卽挽主屍逆流上浮起乃得歛焉
姜垓質管集仲馭好學能下士請養歸里築南隅以
待賓客擊鉢成吟天葩爛發或有未慊應手改竄性
穎敏嘗與余淡心暗誦漢書相如揚雄呂后等十數
傳晨而上口西而背抄淡心差十餘字仲馭差三十
餘字仲馭謝曰僕去君遠矣豈三十餘字其謙下若此
敢願兩朝遺詩吏部忠孝人心有恨觸衝口而發不
拘聲病而才藻爛然

文園雜詠

天際浮雲散登臺攬翠微西來風雨是北去雁鴻非第宅悲
金管關山念鐵衣中原兵氣壯未敢說漁磯日又又各更悲

金陵感懷

上游千里廢耘耔南國流人敢告饑荒歲榆皮供父老戰場
燐火哭孤兒防江總恃波濤急草檄誰嫌斥堠遲獨少武陵
吹一曲悠悠羌笛滿旌旗

辛籤卷六

五

秦淮詞

春波幾尺浴鷓鴣姊妹同舟笑語添每到日斜簫管發一時
人盡捲珠簾

魏耕五首

金管圖耕原名壁字楚白甲申後改名耕字白衣又名更慈
大烈字谿人有息賢堂前後集

文

全祖望甬上耆舊續集雪竇山人魏耕者本慈谿人
少失業學爲衣工於茗上然能讀書有富家奇其才
客之尋以贅婿居焉成諸生國亡棄之山人所交皆
當世賢豪講求大節與于若上起兵後之事敗亡命
走江湖妻子滿獄中弗恤也久之事解乃與歸安錢
纘曾居思溪閉戶爲詩酷嗜李供奉長洲陳三島尤
心契之東歸遊會稽有張近道者好黃老管商之術
以王霸自命時人輒唾之而其里人朱士雅與山人
論詩極傾倒近道見之亦輒痛罵不置然三人交相
得因此并交纘曾三島稱莫逆山人又因此與祁忠

敏公子班孫兄弟善得盡讀淡生堂藏書詩日益工
然山人於酒色有沈癖一日之間非酒不甘非妓不
寢禮法之士甚惡之惟祁氏兄弟竭力資給之每山
人至輒為置酒呼妓久之山人又遣死士致書延平
謂海道甚易南風三日可直抵京口已亥延平如其
言先下金陵已而退軍山人復遮道留張尚書請入
焦湖以圖再舉於是復有刊章之捕續曾以求於續
更索稍解癸丑有孔孟文者從延平軍來有求於續
曾不暨并怨山人以其蠟書首之山人方館於祁氏
被執至錢塘與續曾俱不屈死

辭志居詩話白衣僧居吳興別鮮山為晉沈禎沈聘
避地所居有渡曰息賢遂以名其堂其論詩云詩以
蓮情情真極其所至故樂必盡樂哀必盡哀由唐以
前諸家體不必相蒙而其為至則一也學者各盡其
塗徑而入之愈深見其畛域愈廣恣睢往往於其
際者久之乃始得其深澆之樂故涉獵眾家不若專
致一家猶是也然後古人之長見而我之長亦見余
於一家猶是也然後古人之長見而我之長亦見余
之於詩初無矜飾務達其情凡博奕飲酒朋友酬酢
以至山川風俗城郭之所歷覽遺迹之所辨證有觸
於懷發之詠歎以為合於作不能自己之旨此則余
之所自道已故其中年專學子美末年專學太白惜
乎未見其止也

辛籤卷六

美

慷慨歌

猛虎不處卑勢勁鷹不立垂枝豪傑徒步言歸恥就鄉里小

兒

初住茗溪與鄰叟山行過張醒別廬置酒

茗溪勝剡涇鳥鳴春復幽草生明月峽花滿銅峴洲相移鹿
門侶結廬卧崑邱清晨出郭門卻披紫綺裘杖者四五人與
我同遨遊遂酌張野叟登其池上樓天目雲外秀笠澤天邊
流暮雨向之來窗竹颯鳴秋頽然不知返行樂何悠悠

湘湖遊眺

渺然湘湖裏西望富春山雲景鮮且秀彩翠雙眉彎迴潭下

石蟹層谿接滌浚村村攢雲樹處處眠白鵲遙見隱居者臨
流採芳蘭願言訪丹術餘光駐顏顏谷口弄明月棹歌不能
還

韓子蘧棗駟行

當今馬癖最有誰苦心只數韓公子昔買驅駒寵且矜今得
棗駟狂欲死腹旋點點汗斑斑毛比桃花色更鮮牽來吳王
鬪雞道騎出孫楚酒樓前頭絡瑤題傾城見蹶高玉蓋傍人
羨撇眼驚塵霹靂飛不讓蘭池追紫燕公子豪邁真風流胸
中曠達那用愁青溪小姑春可惜白社支郎曉更留聞君更
有飛龍影亦是龍種聲價適何當與君並轡起馳驅峻坂風
颯颯長鉞突羽隨手抹南山射虎同悠悠

辛籤卷六

毛

題頭答故人問

尺書遙借問我家蒼雪裏朝見弁山青暮見弁山紫

錢梅一首

太淵知梅字彥林嘉善人崇禎癸酉順天鄉試舉人福王立

以薦除兵部主事進郎中坐事死于市有白門集人

橋李詩繫彥林隨父官津海濱南及歸築園開逕外
延賓客內貯聲伎以及法書名畫尊彝帷帳之屬充
物其中然素無囊中全多棄產以給其天性然也甲
申後陳臥子薦授職方郎中奉勅視江浙城守還里
而南都潰避迹村鴨丁亥松督變作捕臥子不得傳
匿彥林所亦被逮其堵夏完浩又以閩疏事發語多
連及遂同日死於市其妻徐孺人亦赴水死

悼友

身後方知吾道尊悼君原不望君存三江自合流忠性五嶽

還能勒鉅言國破早應摧獨木巢傾尙恐覆芳蓀暮潮聊爲
增千尺添瀉東南士淚痕

楊廷樞一首

廷樞字維斗吳人崇禎庚午舉人王時授翰林院
檢討兼兵科給事中避居石泚山鳴被執死於市有

古柏軒集

靜志居詩話先生倡應社於吳中評騭五經文字張
溥天如朱隗雲子主易楊彝子常顧夢麟麟士主詩
周銓簡臣周鍾介生主春秋張采受先王啟榮惠常
主禮記而先生與嘉善錢梅彥林主書後與復社幾
社合領解之後聲譽日重門下著錄者二千人詩雖
游好然如吉光孔翠片羽皆足爲珍重且勝於眼習
竟陵派者多矣晚歲巖居忽罹維繫其舟中遺書云
廷樞幼讀聖賢之書長懷忠孝之志爲孝廉者一十
五載生世間者五十三年作士林鄉黨之規模肩綱
常名教之重任惜時命之不猶未登朝而食祿值中

辛籤卷六

天

原之有難遂蒙禍以捐生其年則丁亥之歲其月則
孟夏之中方隱避於山阿忽陷身於羅網時遭其變
命付於天雖突如其來亦已知之久矣生平所學至
此方覺快然千古爲昭到底方覺不沒但報國無
能懷志未展終是人臣未竟之事尙孤累朝所受之
恩留此血衣以俟異日舟中矢志不能盡言

送辟疆省親禮嶽

美人南國去春煖洞庭波獨以瞻依切因之登眺多衣翻堂
下彩囊貯郢中歌作賦娛親意茲行快若何

五湖遊覽記吳人崇禎庚午舉人王時授翰林院

對玉蘭一首

子以不爲東南士冠

明詩紀事

學秦蕭孟鳳致

貴陽陳田輯

蘇班賦

韓上桂

上桂字孟郁番禺人萬曆甲午舉人除易州學正遷

南國子博士歷助教監丞改永平通判遷建甯同知

古甲申京師陷悲憤不食死乾隆中賜諡節愍有朵

雲山房詩文稿十二卷

列朝詩集孟郁少攻騷賦驚才風逸天官兵法王道之書無不通曉風儀蕭散悠悠忽忽如山麋野鹿與之遊處敦篤友誼聚首摩腹誦如也為詩賦多倚侍急旋方與人縱談大噱呼號飲博探題次韻紙上烟颯然如蠶之食葉俄而筆騰墨飽斐然可觀顧不能為深沈之思爛漫放筆不自顧惜稿或隨手散去常

辛籤卷六下

問其所就於子曰孟郁才氣可方吾鄉桑民禪要郁之才長於古詩歌行於今體殊不經意嶺表詩傳錢受之推孟郁為萬曆間嶺南第一才子其實氣格遠不逮海目蘊藉遠不逮人倚而筆墨馳驟亦足動人

古怨

九月初高天氣涼玉壺迸水更漏長孤燈不翦蘭缸冷新月

斜面翠幌光夜深沈沈望風色銀漢迢迢香難即梧桐樹上

怯雙棲菡萏池中羞比翼慘淡鉛華秋復秋婉轉屏幃愁更

愁班姬此日題紈扇衛女當年怨相舟不堪念此意辛苦願

學秦簫逐鳳遊

京洛行

貴陽陳田輯

京洛多貴盛子弟盡輕豪千金裝寶劍八綵綴弓袋依倚父
兄勢傳誇禁闈高一門三繡節兩族九旌旄抗體尙書省平
交左右曹家滿珊瑚樹燈殘鸞鳳膏玉梁施翡翠寶杓酌葡
萄分曹賭一擲梟勝奪珠袍酒酣發巨鐘絲管競明嘈侍女
展朱唇纖聲遏雲琒狂來驅賜馬卻走南山泉便欲揚鞭去
因之赴臨洮聖代勤征伐吾家舊有勞

西山北出疊山
晉書陶甲申送去下

七夕後一日望月姬渡珠海戲贈

寶月輝銀漢瑤華麗綺筵歌從鸞管合舞逐綵雲翻小笑渾
生豔迴眸盡可憐偶來依洛浦人道水中仙

望羅浮

東望羅浮四百峯峯峒削青芙蓉崖歆轉覺白日礙洞古

辛籤卷六下

二

況有陰雲封瀑布銀河紛錯落玉書金簡光玲瓏師雄夢後
有何見春去梅花不易逢

林說一首

說字傅公莆田人崇禎壬午舉人國變後絕粒死有

寸草堂集

蘭陔詩話傅公詩清勁拔俗不沿時調甲申後走入
深山餓死清風亮節可以遠希西山近比疊山

偶成

四方耕稼地處士歎無田貧省輸官稅荒添糴穀錢療饑資
木石卻老學安禪歲歲肌膚減齒牙幸尙全

文震亨

五首

震亨字啟美長洲人大學士震孟弟貢生官武英殿

中書舍人國變後投水死乾隆中 賜諡節愍有金

門集一葉稿

列朝詩集啟美待詔之曾孫閣學文起之弟也風姿韻秀詩畫咸有家風爲中書舍人給事武英殿先帝製頌琴二千張命啟美爲之名又令監造御屏圖九邊阮策皆有賞賚
靜志居詩話啟美相君介弟名桂黨人之籍王尙書覽斯有言湛持憂讒畏饑而啟美淨沈金馬吟詠徜徉世無嫉者由其處世固有道焉

題張平仲五鹿山房圖

樓臺幻出擬仙都遠水蘼葭在有無縱許輕舟懸畫鷁甯容
歸棹飽江鱸狐裘漫自思公子鹿苑今看屬大夫解道關門
明月冷蒼茫紫氣未全孤

秣陵竹枝詞

辛籤卷六下

三

據床開印翠微間朝請全稀退食便呵殿也堪成韻致此中
官府亦神仙

尙食宮監住直廬退閒丞相府中居貂璫一樣中常侍三日

湖頭打飯魚

留都中貴居胡淮庸故府每歲於玄武湖中赦賜打魚三日名飯魚

同姓編氓異姓侯上公出不避行騶諸曹未識勳臣貴每到

朝陵壓上頭

秦淮冬盡不堪觀桃葉官舟閣淺灘一夜渡頭春水到家家

重漆赤欄杆

張秉純一首

秉純字不二含山諸生弘光乙酉西南都破絕粒不食

死

田按不二含山諸生班光乙酉聞變作絕命辭不食而死戴敬夫和其辭云先生影未出青山如此從容一死難新史不勞高士傳殘詩留著野人看
歲首陽山欲往從之道路難鈔得漢書龔勝傳南風危坐把兒看賊臣嘔笑鄒江山最快陳東罵死難今日相從游地下神州沈陸有誰看

絕命辭

逢人漫說宋文山樓上三年坐卧難我本布衣饑不死西山

無面復相看

許士楷

士楷字節齋句容人諸生

金陵詩徵節齋明亡七日不食死

述志

惆悵虞淵黯夕暉新亭風景淚霑衣桃源不是無舟到恥向

辛籤卷六下

春山飽蕨薇

李之椿

之椿字大生如皋人天啟壬戌進士除行人遷吏部

主事福王立起尙寶司卿督糧浙東順治中被收死

南京獄中有霞起樓集

五山者舊集大生解官自浙東歸而難作以藏故明勅印未繳論流順治六年詔旨勝國初亡人人有故主之心况居官食祿者乎凡順治五年以前犯者勿作叛論罪既雪即擢筮入武夷山後中蜚語繫之石城獄中遂絕粒勺水不入口積十四日而死
曉淨江天青山入畫那家家揚柳青車馬不曾停真不減唐人風致

馬稔游招飲北山

繫脛登危閣諸天杯酒間孤雲偏入塔亂水不藏山諱語隨

花下嬌歌帶雨還往來何事急輸卻老僧閒

項禹揆 一首

禹揆字子毘秀水人諸生與李之椿同死

落花

一番風信客心驚怨粉愁紅送送迎香篆三更雞舌冷錦泥
十里馬蹏輕夢回故國無知已流落天涯不問名最是芳顏
憐易改難將絲樓繫長生

黃周星 四首

周星登科錄作姓周名星後復姓黃字九煙上元人崇禎庚辰

進士除戶部主事有夏為堂狷狗齋集

靜志居詩話九煙晚變名曰黃人字曰略似又號圃菴又曰汰沃主人又曰笑蒼道人布衣素冠寒暑不

辛籤卷六下

五

易人有一言不合輒罵嘗賦詩云高山流水詩千
軸明月秋風酒一船借問阿誰堪作伴美人才子與
神仙年七十忽感愴於懷仰天歎曰嬉而今不可以
死乎自撰墓志作解脫吟十二章與妻孥訣取酒縱
飲盡一斗大醉自沈於水時五月五日也
瞿源洙集當已未庚申間羅天下才儻殆盡而
關西李中孚陽曲傳青主甯都魏冰叔三人獨超然
遠引乃黃先生以死殉之或疑其過激此非篤論也
夫偃息柴桑者易棲遲王官者難為吳越之江東生
易為荆南之前進士難而沉四海同風託迹無所薛
方可以巢由解免而龔勝必至絕食何點可以齊能
笑侮而袁昂之為義士不終泉羽思省諸人所以能
匿迹潛形鼻山先生所以對小女子而決然自奮也
然則先生所處較難於三人而節亦倍烈矣
卓爾堪逸民詩選九煙性孤介寡言笑少年多著作
從長沙過洞庭夜半為夏劇時際百六避迹蕪陰蒼皇
之水後復著成集已酉夏時際百六避迹蕪陰蒼皇
從才鋤叢中攪得一集擊之以行復為盜所掠今所
存者鼎革以後所作頗近於騷素懷靈均之志終投
水一死
田按九煙長歌真氣噴薄而出微嫌拉雜近體倣兀
自見風節

得陶仲調書卻寄

陶生今不死吾道尙嶙峋
天地留松柏庖廚赦鳳麟
十年書到喜再世夢回眞
歌涕知何日東籬歲月新

江館歲暮二首

鬱鬱誰能遣冥冥自可飛
蟄龍原不死野鶴竟何依
抱膝春風老埋頭夜雪饑
儘教萊婦笑還似著麻衣

歲月泥犁底生涯羅剎中
無人堪說鬼有事只書空
拍岸驚濤白開門返照紅
怪來茅屋破日曠西風

觀凌歊臺故址

霸業文明總寂寥夕陽荒草弔凌歊
若教頑石能言語便與從頭話六朝

辛籤卷六下

六

從頭話六朝

霸業文明總寂寥夕陽荒草弔凌歊
若教頑石能言語便與從頭話六朝

觀凌歊臺故址

霸業文明總寂寥夕陽荒草弔凌歊
若教頑石能言語便與從頭話六朝

霸業文明總寂寥夕陽荒草弔凌歊
若教頑石能言語便與從頭話六朝

霸業文明總寂寥夕陽荒草弔凌歊
若教頑石能言語便與從頭話六朝

霸業文明總寂寥夕陽荒草弔凌歊
若教頑石能言語便與從頭話六朝

江館歲暮二首

鬱鬱誰能遣冥冥自可飛
蟄龍原不死野鶴竟何依
抱膝春風老埋頭夜雪饑
儘教萊婦笑還似著麻衣

歲月泥犁底生涯羅剎中
無人堪說鬼有事只書空
拍岸驚濤白開門返照紅
怪來茅屋破日曠西風

辛籤

黎遂球

十二首

遂球字美周番禺人天啟丁卯舉人唐王立除兵部

主事守贛州城陷巷戰死桂王時贈太僕寺卿諡忠

愍晉贈兵部尚書乾隆中 賜諡烈愍有蓮鬢閣集

二十六卷

萬時華既圍集美周思以才靈學以才化識以才通
語以才妙讀其詩覺有靈光異采在目光離合間
榆墩集美周詩讀之如春風駘蕩夏雲崔嵬如坐百
花雞聽簫韶美人劍客巒動左右
廣東新語美周詩五古最佳有古俠士磨劍歌云十
年磨一劍繡血看成字字似伙人名難堪醉時視結

辛籤卷七

容少年場云生兒未齊戶結客少年場借問結交時
不數秦舞陽泣者高漸離深沈者田光醉者名灌夫
美者張子房感恩報仇相送大道旁其困守虔州
臨危時擊劍扣絃高吟絕命有云壯鬼伯血復厭心苦
吞九邊大地吹黃沙白骨為塵煙壯伯血復厭心苦
肉不甜一時將士聞之皆為之袒裊爭先淋漓飲血
壯氣騰湧視死如歸以視李都尉兵盡矢窮委身降
敵韋鞬推沽對子卿泣下沾襟相去何啻天壤哉美
周又有花下口號云生平不事求神仙願上東海求
仙船童男童女各三千教之歌舞及管絃道遙行衆
恥銘燕然老夫鬢眉圓凌蹙結屋花國臨酒泉名儒
俠客列四筵等閒詩賦人爭傳乞得一字十萬錢此
篇亦亦愛之是皆不失英雄本色他體彷彿西崑則
傷於綺靡矣
田按粵東詩派自南園五子以逮黃才伯梁公實黎
瑤石歐楨伯區海目皆講風格未及靡曼至美周辭
心六朝初唐乃為輕豔之詞歌行短曲風致嫣然然
時有壯健之篇此其超邁之性不泯沒於綺語治詞
者也生為詞伯死作鬼雄豈不偉歟

擬古

醉卧仰視天天星亦胡然卷舌能食人一卷百禍連壯士血
如漆氣熱燒九邊大地吹白沙白骨爲塵煙鬼伯舐復厭心
苦肉不甜生年只滿百見此良憂煎不如且行樂樂意誰能
宣陌上多游魂紛來纏竹絃

寄懷徐巨源

可憐少殊色我輩如佳人傷春苦相念慰藉惟保身自從過
子門相留坐明月得句如折花簪花爲梳髮猶恐外人看不
似初離別離別幾何時春風吹柳枝新月照客牀不作蘇臺
期前日有客來言子涉江水敢望不敢信吹簫待吳市昨夜
有客還送子酒一石寄酒不寄書結言在疇昔碧水自悠悠
炤花花不流還來與子期作賦同悲秋

辛籤卷七

莫愁曲

茸茸沙樹煙沙白高如山青山搖水動歡去幾時還葉黃有
時綠搖櫂聲相續載夢過江來聽我莫愁曲身是江南人不
見江南春風吹裙帶拂起落花塵

中秋十七夜宋令申給諫招同陳藥亭吏部待月虎邱

石上作

石澗聽泉冷銀瓶轉長纈美人發纖喉汲起霓裳影露垂髮
簪重杯光墮金鳳三絃學人語四坐嘿如夢節短又聲長但
覺吹微香賦風憐宋玉爲雨恨襄王

聶姬婉眉歌 并序

崇禎壬午賊出增江口肆擄掠有殊色聶五娘者賊

得之大喜因戲謂恨其眉未甚婉娘從容語曰女醜
始掃眉若欲婉請假我刀刀得而刎寶安李子定夫
爲詩旌之以寄黎子黎子感其意作聶娘婉眉歌和
聶娘不用眉如柳雙劍玲瓏腦前後官兵斂手賊狂嘯娘舞
長眉對之笑朱絃一夜芙蓉毀雲雨縹緲遶山委丈夫鬢鬢
總如此半尺垂虬掀不起紫石棧棧婉婉爾翠娥如鐵真男
子白頭天姥惜飛光續命只有文中王從他鳥爪未肯禿更
買黛螺千萬斛人生安能知死期癡情豔骨東風吹借娘眉
鋒不斬賊先斬偷生巾幗兒

短歌行

辛籤卷七

三

酒酣月滿地爲君歌短歌願君漏壺箭刻作魯陽戈夏姬老
矣羸女如何維南有箕維北有斗持播南山塵戰挹東海酒
明明如月仙人見之賜斷絕婦娥倩靈藥玉兔如春雪何不
醉挾羅敷採扶桑燭龍彩炤合歡床

慰梁非聲

爾明休便喪雙眼好逢人骨肉已看盡肝腸誰最親壁將明
月立門掩落花貧只當長爲客艱難剩一身

無錫舟中偶成

過江纔幾日次第品新泉信宿山山翠餐眠事事仙香深花
港月茶入竹橋煙食得鐘聲寺呼童復繫船

雨夜懷徐巨源

高閣桐陰半雲浮山翠香經時枕詩卷率爾興琴張詞賦終
難敵行藏各自商兵戈自天地搔首計應長

和劉安世園居

燕卽新堂乳鶯多隔水鳴鑿湖兼出石惜樹小添楹窗預圖
秋色蕉堪種雨聲沙洲亭子路鷗席故須爭

揚州同諸公社集鄭超宗影園卽席詠黃牡丹

誰買長門作賦才守宮砂盡故徘徊燕衛落藥成金屋鳳蝕
殘釵化寶胎三月繁華春夢熟六朝芳草暮霞堆上尊合賜

詞臣閣邀賞還宜八駿來

廣東新語黎美周嘗客揚州於鄭氏影園與詞人卽席分賦黃牡丹七律十章已編名殿最錢牧齋拔美

周第一鄭氏以書報曰君已錄牡丹狀頭矣以二金
曩賚之其後美周過吳下人皆稱牡丹狀元

辛籤卷七

四

楊柳枝詞

參差楊柳又如齊二月雛鶯上下樓怪得多情青眼便春風
常笑雨常噤

溪上晚步

餘杭城外石橋斜不見清溪道士家惟聽小姑閒唱曲菡萏
臨水摘梅花

鄭露十三首

露字湛若南海諸生桂王立以薦爲中書舍人壯大

兵下廣州抱琴死有嶠雅

廣東新語湛若爲人好恢諧大言汪洋自恣以寫其
牢騷不平之志或時清談綵能效東晉人風旨所至
輒傾一座至爲詩則憂天閭人主文論諫若七哀述
征之篇雖小雅之怨謔離騷之忠愛無以尙之

淵洋詩話 鄙露著嶠雅有騷人之遺音
靜志居詩話 湛若工諸體書學使者試士以恭寬信

敏惠發題 湛若制義五比用大小篆八分行卓書于
卷學使者大怪之然不罪也居廼以才畧自負見海

內多事因學騎射跨馬出門衝縣令頭踰令怒申文
學使者除其名將加以極枯乃亡命之廣西遍尋鬼

門銅柱舊蹟遊子岑藍胡侯槃赤雅一編紀其山川風土
兵符者雲鞞孃書記歸撰赤雅一編紀其山川風土

儀物及女君天姬隊歌舞戰陣之制家蓄藏真墨跡
享帚千金素問業於香山何閣老吾鸞閣老見而愛

說不已 湛若分手脫贈既而大悔拏丹抵香山升閣
老之堂欲自挂梁上閣老亟還之 若德年製明康陵

風宋理宗宮中物一日緣綺臺唐武德年製明康陵
御前所彈也出入必與二琴俱廣州城破湛若抱琴

死緣綺臺為老兵所得以鬻於市歸善葉錦衣解百
金贖歸至今存其家詩曰嶠雅手書開雕極精楷子

嘗見其駢體文亦佳
全祖望鮑琦亭集外編 湛若先生大節不待言矣顧

其少時曾入阮大鍼之門 大鍼文集 湛若為之序稱
門生焉 蓋湛若少時好聲樂 大鍼在留都羅而致之

也 非後來大節則湛若幾不免為奄人之徒人所以
貴晚詣也 湛若嶠雅係其手書 開雕古香可掬 東莞

辛籤卷七

五

袁督師曾於粵中邀贈謚非嶠雅無以知之 黎洲先
生謂桑海諸公集可備詩史 偕夫

明詩別裁 湛若詩原本楚騷 五言尤勝 五言佳處全
在氣韻 不求工於語言 對偶之間 得此意可與讀 湛

若詩
明三十家詩選 湛若詩清曠超妙如月冷江空 孤鶴

夜警
田按 謝山謂湛若為阮大鍼門人 余檢詠懷堂集 頁

然 嶠雅中所稱石巢先生 卽謂阮也 湛若大節自光
天壤 不得以此為累 集中五言律具有論仙意境 如

蘇門清嘯 彷彿鸞鳳之音

張侍郎 家玉

伏奉天廟姿飛躍及犇馬 錐秦誤索韓策 漢動方賈義 聲振

龍荒 號召遍區夏 逐日功詎虧 蹈海志迺寫 俠骨馨馬革 裂

耻東城下

登九子

朝參九華雪莫宿九華鐘言尋金舍利行傍玉芙蓉雨腳移
春殿雲衣挂亂峯悠悠然秋浦月來對海門松

出影西湖上春

行逢新歲月驕馬踏城橋旭日催鶩帶春人豔柳條香車流
水擊僊袂逐風飄小鳳銜花去空傷雲漢遙

龍潭洞庭酒樓交熟不聞青鸞吳語調樂歌

落日洞庭霞霞邊賣酒家晚虹橋外市秋水月中槎江白魚
吹浪灘黃雁踏沙相將楚漁父招手入蘆花

道明水望三十六峯

崇山道明水噉噉石潭清上有木龍樹歲楚聞鳳聲開琴待
明月月向清溪生三十六峯裏羣仙抗手迎

辛籤卷七

六

即日蔣陵送孫枝遊華嶽

相逢彭蠡月相失蔣陵鐘自別東林社君言西躡雍金天開
太華玉井見芙蓉余亦汎滄海南山歸祝融

知爲皖城謁石巢先生

披衣皖城口言就皖城坳辟世歸愚谷移山到石巢鶴林松
露滴魚浦荻花交廡下聞清嘯長謠賦樂郊

水壩杏花堰訪紫浩隱居

楓林二月雪雪霽問君家玉笈芝房氣銅陵杏堰花更清豈
出瀑笙迴鶴梯霞不注丹臺錄吾生信有涯

春風入日登粵王臺

登臺試人日此日謂宜人日照高臺色臺非故苑春青山白

雲路綠水流花津醉欲呼鸞去遙遙芳杜鄰

文選樓眺望

春風將柳色駘蕩入西樓遊子塞簾望宛如變女愁雜花開
陌樹歸雁隔河洲京國浮雲外長江日夜流

姑蘇送雲將入淮

崇林秀春木歸馬激鮮颺濁酒不肯飲旅懷何處銷莫天吳
苑樹明月雒城橋蕪絕尋君夢緱山碧玉簫

浮湘禮三閭墓田尋賈生故宅

浮湘孤月下靈渠牢落殘魂伴索居庚子曰斜聞野鳥端陽
沙渭見江魚天高未敢重相問年少何勞更上書此去樊城
望京國定從王粲賦歸歎

辛籤卷七

望京後歸興詩

乙酉六月

七

南北神州竟陸沈六龍潛幸楚江陰三河十土頻炊玉四壁
無歸尙典琴蹈海肯容高士節望鄉終軫越人唵臺關儻擬
封泥事回首梅花塞草深

陳子壯

十六首

子壯字集生南海人萬曆己未第三人及第授編修

以發策忤魏忠賢削籍崇禎初起諭德擢少詹進禮

部侍郎以言事下獄放還起故官未上京師陷福王

立起禮部尙書桂王時進東閣大學士兼兵部尙書

大兵克高明被執不屈死贈番禺侯諡文忠乾隆

賜諡忠簡有練要堂集六卷秋痕集五卷

田按忠簡集有罪言云宗才改秩一事疏三易稿成
乙亥十一月十六日親齋上時上修省齋居武英殿
聽數日傳改票又數日傳有非祖間親數閱恣肆字
樣且下鶴帖延杖矣越二十六日奉旨宗室有文武
才能考驗換職正宜公同詳議妥確以聽裁奪擬于
壯敢於非祖間親政府使人謂曰昨疏入上改容推
擬席藁在寓聽擬政府使人謂曰昨疏入上改容推
案此番嚴旨可畏甯小心就獄不爲屈辱毋甯岷強
後悔無追也兒輩送入圍門刑部初擬杖不准再擬
徒得旨准配贖凡五閱月出獄時丙子四月二十四
日也而唐王聿鍵先四日有疏參子議禮不合復啟
故違格式反覆數千言欲構之重典幸放釋後二日
奉旨陳子壯已經處分姑不究史傳云唐王上疏詆
于壯遂除名下獄非其實也明亡後魯王以海與唐
王聿鍵立於閩浙唐王聿鍵與真桂王由榔割據於
兩粵無異蠻觸之爭雄而其間貞臣義士各爲其主
殺身沈族而不悔若公之與嚴野起兵攻廣州事雖
不成其大節自磊落天壤公詩律絕聲情蘊藉詞曲
亦婉麗動人

補沈休文憶詩

辛籤卷七

八

憶起時酣暈半不銷粧鏡直須倚鉛粉若爲調唯應憐夜夜
乃復有朝朝

送何龍友太史還朝

攬水臨將發風流得雅裁美人明月夢仙吏白雲臺海鶴招
琴曲江鷗勸酒杯濯纓清可聽不覺榜歌催

宿吳宏文湖上樓

秋風餘十度燕子爾輕過鄉思登樓減湖光下榻多花開雲
母帳詩付雪兒歌自己遷延甚幽期更若何

南浦不泊

秋色何迢遙漚輕舫艤搖多爲名姓累遂畏友朋招霞鷺堪
孤起風狹得並驕南州紛在望興寄一長謠

題綠珠祠

梧州

逝水徒傳金谷園荒山誰識綠蘿村生辭故井難銷豔命薄
高樓敢負恩燕子頻來多戀主杜鵑嗚斷爲招魂憑君一和
懊儂曲自有人將孤笛翻

送劉半舫大司空總督河道

殿履新高面拜除轉吝臣計重河渠蛟龍始識園陵在鴻雁
終招澤國居棠蔽東人更竹馬葭明韋曲自橈車可知職貢
千艘入不礙飛流九派如

九日

講殿陰移得暫閒養盤節宴已先頒憶家夜損三秋夢傳蹕
朝登萬歲山獨馬微風沙帽著斷鴻新月菊枝慳清時易許

辛籤卷七

九

論勳業消受光榮一醉顏

送董思白大宗伯加太子太保予告馳驛

帝念先朝有秩宗班階流輩盡雲從近傳宮保歸黃髮遙望
天人問赤松楊柳青門看祖道桃花春漲憶吳淞纖塵拌不
隨清夢還傍東華五夜鐘

題水月菴

觸熱逢人自不勝開寮茗飲當敲冰失途時現抽衣寶欲濟
渾如禁足僧蟬引一絃凡響寂拍臨雙蓋妙香凝亦知過去
皆漚幻莫話從頭有葛藤

胥江曲二首

削竹青青作挽長竹條雖小挽須強峽口灘高耶斷挽胥口

灘深儂斷腸

三水西南舟已遲不知耶去定迴歧聲聲山鷓行不得日日
江頭歌竹枝

美人操琴

梧桐入戶淨琴張玉軫輕移已叶商一曲還應神女聽無人
知道楚明光

五日珠江曲

琵琶洲上載琵琶碧玉粧成自小家樓船裏面籠珠翠亦學
鄰舟叫買花

留春詞

霸國江山錦作堆一春無恙幾登臺木棉花落嘸山鷓歌舞
闌前許再來

辛籤卷七

十

賞花詞二首

脈脈含情望阻修風光到此伴清遊誰言不敢思公子能寫
花枝一段愁

匡床斗帳淨無塵小有花枝逐節新幾處花飛不成醉眼前
看醉賞花人

陳邦彥

三首

邦彥字會份廣州順德人隆武乙酉舉人除監紀推

官遷兵部主事桂王立擢兵科給事中起兵守清遠

城陷被執不屈死贈兵部尚書乾隆中賜諡忠烈

有雪聲堂集十卷

靜志居詩話巖野僻居嶺南與黎美周歐子建陳喬
生以文章聲氣遙應復社卒殺身成仁其南上草自
序云商音曼歌概當以康亦各言其志也又臨命歌
云書生漫談兵時哉不我與君子誦其詩而悲之
田按公子恭尹述公行狀明史錄此作傳事實完備
此史家所以貴採家狀也公殉節時走清遠朱氏圍
題詩於壁曰平生報國懷深望斷西方好音已共長
宏化碧還同屈子俱沈又曰繼闕孤懷盡懸絲一命
微負傷如未覺無淚不須揮魚脫鯁真血水爲賻襚
衣祇應魂氣在長繞玉階飛書畢赴池水淺不死檻
車致之廣州死於市

丁亥仲春余歸自嶺右暫憩鄉園讀杜工部秦州雜詩
因次其韻

物產川原盡生涯寇盜間無愁應岸柳不改是春山古戍饑
鳥集江村乳燕還未須愁遠道多恐淚痕斑

薄遊

辛籤卷七

七

極目楓林外故園安在哉山川曾有約秋牛未歸來眼色千
峯雨江聲萬壑雷薄遊仍度峽鄉夢莫輕催

西征雜詠

名園春事動招尋一騎蕭蕭細雨侵最愛草亭西畔路玉蘭
花發石潭深

梁朝鐘三首

梁朝鐘字未央番禺人崇禎壬午舉人唐王弟聿鏞浮
海至廣州朝鐘等擁戴立除檢討再遷祭酒事敗死
乾隆中賜諡節愍有喻園集

蘭谿取道入斬水與都護汪祥麟偕有懷熊心開總理
幾年石室雨一半畫蘭谿此日看山色春風憶馬蹏麥漂橫

水渡花落廟前泥征戰何時盡林深倦鳥棲

送周仲謨遊海北

夏景行將及扁舟向雁湖舊城秦郡縣新綠漢莓蕪野戍春雲在離亭落月孤故山秋色好須待插茱萸

天湖海珠寺

南漢城邊菰葉落流花橋下水趨東煙籠碧樹春分後月浸寒江子夜中潮上石沈僧語歇笛殘人去蠟燈紅分明一幅蓬山景吹入鵝潭影目空

張家玉一首

家玉字玄子東莞人崇禎癸未進士改庶吉士唐王時擢侍講以右僉都御史巡撫廣信桂王立進兵部

辛籤卷七

七

尚書兵敗投水死贈少保武英殿大學士吏部尚書

增城侯諡文烈有名山山西征燕山三集

題

王夫之南窗漫記東莞張太史家玉以全髮起義兵敗墮馬而卒家人刻其唯中遺稟有詩近百首唯記其一聯云真同喪狗生無賴縱比流螢死有光

登山景

田按玄子先迷後得卒能死節君子諒之

寒舟中月夜

渺渺長江水接天帝京西望轉凄然金戈鐵馬無甯土錦纜牙檣有戰船離亂烽煙叢此日風流簫鼓換當年誰堪舊日長安月多照平沙白骨邊

卷四

水勢奔騰

明詩紀事 對野 庚子 蕭魚

翰菜 劉之 蘇陸 張 謝 蕭 蕭 貴陽 陳 行 田 輯 出 翰 未 歸

庚子 辛 鐵 貝 為 平 章 馮 稷 廣 同 賦 入 吹 燭 劍 掛 曠 五 效 贈

朱繼祚 一首

繼祚字立望莆田人萬厯己未進士改庶吉士授編

修厯中允諭德庶子少詹事遷禮部侍郎以病去起

南禮部尚書福王時召拜故官未赴唐王立進東閣

大學士魯王監國舉兵應攻取興化城破死之乾隆

中 賜謚忠節

自靖錄莆田縣鄉紳朱繼祚以協理詹事府禮部尚書還闕拜相閩貴題其杜曰臣罪當誅生奚補死奚遲故國舊君安在帝臨有赫身可衣家可燼周頑殷義若何招密戶王士玉等數千人據興化府入覲監

辛 鐵 卷 八

國魯王於海中 大清兵攻城將破賦絕命辭曰嗟子生兮不辰逢慘禍兮櫻身乾坤崩隕兮陸海為塵日星掩晦兮萬象沈淪人誰無死兮鴻毛泰岳惟其所處兮殤延彭促旦夕畢命兮去將安之夫妻子母兮不得相依上告蒼天兮鑒此微詞雖為齏粉兮安之若飴千秋萬古兮誰其知之與化俱徂兮於戲噫噫城破被執不屈同子汝極死之田按天啟六年魏閣擅權羅織正人特修三朝要典其總裁為顧秉謙黃立極馮銓副總裁為施鳳來楊景辰孟紹虞曾楚卿纂修為徐紹吉謝啟光余煌舉繼祚張紳華琪芳吳孔嘉吳士元楊士謝芳光與紳舉者士論不齒立望雖官通顯累以修要典為清議所持罷去晚能死節人之所以貴晚蓋也余煌亦以死節傳

恩 假 旋 里 感 賦

供直綸扉十月餘平章底事竟何如久知歇後推鄭五敢謂

辭榮附二疏到處烟塵驚旅夢故園花竹漫安居出師未捷

身先病慚愧埋頭老蠹魚

張國維 一首

國維字玉笥東陽人天啟壬戌進士除番禺知縣擢
刑科給事中進禮科都給事中遷太常少卿以右僉
都御史巡撫應天安慶十府進工部侍郎總理河道
改兵部兼督淮徐臨通四鎮兵拜本部尚書以事解
職下獄尋復官督江南浙江兵餉福王立召令協理
戎政加太子太保魯王監國進少傅兼太子太傅兵
部尚書武英殿大學士師潰投水死乾隆中 賜諡
忠敏有玉笥剩稿

重遊白雲洞

不到幽巖十五年昔遊浚鳥尚依然流泉訴別鳴還咽盤石

辛籤卷八

二

標貞亢且堅池上醒眠青眼放松間醉倚白頭妍晚尋歸路
層雲鎖便與山靈訂後緣

張肯堂 一首

肯堂字載箚松江華亭人天啟乙丑進士除涪縣知
縣徵授御史遷大理寺丞以右僉都御史巡撫福建
唐王立拜吏部尚書加太子少保魯王監國加太傅
東閣大學士舟山不守自經死乾隆中 賜諡忠穆

自靖錄魯王監國駐蹕舟山肯堂與沈宸荃並相舟
山陷其門生中書蘇兆人闔門自縊肯堂義之爲之
下拜而殮焉遂服蟒袍南面坐視其妾周氏方氏姜
氏畢氏璧姐媳沈氏孫女茂漪皆縊死一女投荷池
死卽題絕命辭云虛名廿載著人間晚節空勞學圃
閒漫賦歸來慚靖節聊歌正氣續文山君恩未報徒
憂瘁臣道無虧在克艱寄語千秋青史筆衣冠二空
莫輕刪乃北向叩首自縊於雪交亭

田按張蒼水奇零草有輓張鯤淵相國詩云一身真
可繫危安垂死威儀尚漢官魂返黃墟應化碧顏留
青史卽還丹千秋共惜遺金鑑十載何慚戴鐵冠也
識公歸箕尾上定依日月倍芒寒紗籠姓字迴無瑕
晚節何如五柳家欲報君恩餘白髮祇留相業在黃
麻樓空燕子從風墜門冷龍孫帶雨祇留相業在黃
斷後華亭鶴喚更堪嗟垂死威儀尚漢官蓋紀其臨
難時蟒袍就縊樓空燕子從風墜蓋紀其諸姬同殉
也

九日同僚佐登大伾山卽事

筍輿到處卽山家霜葉微紅欲作花結伴入林皆惠遠清譚
出世總烟霞月明交映藤蘿合醉步多忘石徑斜此夕幽尋
不成寐城烏嘯曙復朝衙

張煌言

五首

吳興府志卷之八

煌言字玄箸鄞人崇禎壬午舉人魯王監國授行人

辛籤卷八

三

賜進士加翰林院編修擢右僉都御史進兵部右侍
郎桂王立加兵部左侍郎兼翰林院學士進本部尙
書大兵平滇南散遣部曲進居懸壘被執不屈死

出世驗于市乾隆中賜諡忠烈有奇零草十二卷冰槎集

四卷

大

徐孚遠集玄箸之詩其氣昌明而宏偉其辭贍
博而英多蓋明堂之圭璧清廟之寶鑄也

三岡識畧紹興張君煌言仕魯藩周旋海島二十餘
年後知事無成散遣部曲入普陀爲僧至是就擒賦
詩見志曰海島縱橫二十年孤臣心事意猶負國死
空繫殿陵鈞震澤難回范蠡船生比鴻毛藉負國死
留碧血欲以天魯戈莫挽將頽日敢望千秋青史傳
諸將重其義欲降之不可且曰予窮海孤臣豈知今
日而復改節耶詞氣慷慨至死不屈識與不識莫不
流涕
南雷文定三集宋明之亡其傳之忠義與不傳而傳
者非他代可比就中險阻艱難百挫千折有進而無

退者則文文山張蒼水兩公為最

姜宸英湛園未定稟公自督師未嘗受強藩節制及

九江酒還漸有掣肘始旭旭不樂而死遜卒至門忽有

也自製一棹實槓其中誓槓盡而死遜卒至門忽有

二猿跳躑哀鳴牽泥之公乃毅然出就執既被羈

會城遠近人士下及市井屠販賣餅之兒無不持紙

素至羈所爭求翰墨守率利其金錢喜為乞求不持

手揮灑應之皆正氣歌也嗚呼天地曠真風霾盡塞

山河失序而沈星隕氣於窮荒絕島之間猶能自出

其光燄以為有日者之悲喜而幸視雖揜抑於一時

鮎琦亭集外編尚書詩古文詞皆自丁亥以後才華

橫溢藻采纒紛大畧出華亭一派華亭陳公人中為

節推於浙東行其教尚書之薪傳出於此及在海

徐都御史閣公故與人中同主社事而尚書壬午齊

年也是以尚書之詩古文詞無不與之合嗚呼古來

亡國之大夫其音必淒楚鬱結獨尚書之著述曾吟

博大含鐘應呂儼然承不廟堂巨手一洗亡國之音

豈天地間偉人固不容以常例論耶當是時以蠲

蒼背為金湯以鯨人斃戶為丁口風帆浪楫窮餓零

丁而司隸威儀一縷未絕遺臣故吏相與唱和其遇

雖窮其氣自壯斯其所以為時地之所不能囿耶

辛籤卷八

四

田接明社之屋久矣公猶以殘兵支撐於天涯海角
之間訖二十年艱阻崎嶇百折而不悔嗚呼烈矣史
不立傳蓋有待也至乾隆四十一年得與獎忠之典
通諭忠烈仁矣哉

贈盧牧舟大司馬

自昔公為兵使者於時我作上書人鑑湖一曲皆棠樹碧海
重逢並葛巾劍氣終當開日月履聲早已傍星辰并州正有
來蘇望忍說桃源可避秦

輓朱閭玄少宰

極目烽烟點鬢毛閭關已識義難逃黍離社稷無薪膽草昧
朝廷有節旄自許孤忠遺海岸人悲啟事失山濤臨風不盡
招魂賦那忍重看舊佩刀

沈彤菴閣學艤舟南日山遭風失維不知所之雖存亡

未卜余猶望其來歸也

昨夜驚濤勢轉雄孤帆何處御長風沃焦不信膠舟解博望
初疑銀漢通欲問馮夷愁莫應儻成精衛恨何窮袖歸當有
支機石豈遂騎鯨向碧空

弔沈五梅中丞

香臺咫尺渺人琴萬里寒潮送夕陰報國千年藏碧血毀家
十載散黃金名山難瘞孤臣骨潮海空磨戰士鐔留得荒祠
姓氏古春歸惟有杜鵑吟

張書紳與范子瞻論余十餘年來戎馬勞苦孤危以詩
見贈讀之悵然因次其韻

相業侯封非我望伯圖王業向誰論可憐節在旄全落獨恨
辛籤卷八

五

交亡劍尚存上客攝衣空有缺孤軍裹甲已無禪也知戈朽
難回日誓死何妨絕影奔

馮京第一首

京第字躋仲慈谿人僑寓鄞唐王立授兵部主事改
監察御史魯王監國擢右僉都御史進兵部侍郎被
執不屈死有篋谿集

續甬上耆舊詩集馮公少負高才諸父都御史元颺
兵部尚書元颺世所稱大小馮君東林之巨子也公
丙承二父之教出其謙論四方士來謁大小馮君
復社諸名士上其讓論其姿詣而甲乙之以進
必先登公之堂公爲之次第其未及用公將從津門大
之二父之前莫有失者都御史撫津門有牆子嶺御
敬功公豫其勞殺宗錄之尙未及用公將從津門大
與屯田募勇士於膠萊金復等地自成一旅以爲神
京捍衛其所墾已數千頃而南都又亡閩人奉唐王
公不復入南中乃遊於閩而南都又亡閩人奉唐王

稱制公上中興恢復十二論召對慷慨聲徹殿陛思
文大奇其才授職方主事已而改監察御史按浙甫
入浙而浙東陷閩亦隨亡公集慈水諸大俠將起兵
而爲大兵所捕乃跳身入滄州滄州爲威虜侯黃斌
卿所守浙東之未入版圖皆以是時爲外援尚書滄
南而吳中豪傑出沒太湖皆以是時爲外援尚書滄
州欲得一軍應之斌卿竟不欲往富平伯張名振時
在石浦與公善公勸之行乃刻期以往至崇明曉風
覆舟沈侍郎在揚死之公等皆被執中途得逃歸滄
州而松江以失期事洩俱被戮斌卿本志在自守師
不得又責斌卿令以奇兵西略甯紹台三府會鄧之
董給事志寧華職方夏楊推官文琦以帛書連衡李
侍御長祥王職方翊而欲借一隅爲謝師應之乃告公
公大喜強欲從蛟關未死斌卿遽引還公益鬱
鬱不懌乃之湖州時太湖尚未靖而公起兵於天目
山中大擾歸安烏程諸縣尋敗復歸四明乃募溪上
義從與王職方翊合軍守杜巖大兵以團練兵破
之職方走天台公匿山中職方以天台之兵至公亦
振旅出復合軍守之時戊子之冬也明年監國自閩

辛籤卷八

六

中至建跳所發使晉公都察院右僉都御史是冬再
乞師日本卒不得遣後與王職方合營於西山之間
風洞中初公以華董之故刑章大索大吏遂以其事
聞詔取家屬羈之京公太夫人尹氏年高夫人葉
氏聞有徒燕之報徵言勸至今日裁者不甚省夫人嘆
曰婦無事不強聽命於死大帥又戮公子頌以魯公
半投閩不死強起益而於死又戮公子頌以魯公
公仍不至太夫人遂徙燕道卒又得所寄妾於他所
令作書招公妾曰頭可斷書不可作即作亦保公不
降也監國再加公兵部右侍郎公憑依空山偕公不
兵百餘戰雖無成績然亦屢挫大兵庚寅公麾下
親將王昇私約降械公於灌頂寺支解死

寄李研齋

在昔慚温嶠於今恨趙苞國仇與家難都逐礪灘潮

錢肅樂一首

肅樂字虞孫一字希聲鄞人崇禎丁丑進士除太倉
知州徵授刑部員外郎魯王監國加太僕少卿歷右

僉都御史右副都御史兵部右侍郎晉東閣大學士
贈太保吏部尙書諡忠介乾隆中 賜諡忠節有集

二十卷

田按魯王監國江上驕將專權貂璫干政政亂於上
民困於下蠻觸爭衡闕於一隅忠介上疏言國有十
亡而無一存民有十死而無一生識者早知其事之
無成矣錢公徒以舊國遺臣支撐天墜卒至憂憤以
觸枕絕食而死悲夫

孤雲

孤雲無意緒獨挂山之峯聖賢尙神化轍迹友蛇龍鳥道八
千里關山一萬重吾其奈何哉洗耳空聞鐘

陳函輝 六首

函輝初名煒字木椒改名後字木叔臨海人崇禎甲

辛籤卷八

七

戊進士除靖江知縣福王立起兵部主事魯王監國
刺擢太僕卿進兵部侍郎兼侍讀學士江上師潰入天
十里關台雲峯寺自縊死乾隆中 賜諡忠節有寒光集三

自靖錄函輝擁戴監國魯王擢太僕寺卿福建詔使

至浙東諸臣皆思奉詔函輝獨上魯不臣唐疏衆議
不合督輔張國維在江上聞之力主函輝說事乃定
未幾遷侍郎奉監國命聯絡温台江上師潰自書年
譜後云徐陵五願惟誓出家文山七歌尙思殺賊函
輝得死所矣魯王入台州府城駐蹕聞警欲避入解
門衛函輝哭入天台山雲峯寺在僧湛明處作自祭
文七七自讖文埋骨記乃賦詩別親友云廉泉同義
魄萬古在禪林故國千行淚孤臣一寸心深山空有
恨異日或相尋身後遙爲託應懷鍾子琴又賦絕命
詩十首其一云生爲大明之人死作大明之鬼笑指
白雲深處蕭然一無所累其二云父母恩無可報妻
兒面不能親落日樵夫湖上應憐故國孤臣其三云
子房始終爲韓函輝生死爲魯赤松千古成名黃蘗

寸心獨苦其四云斬盡人間情種種獨留性地靈光古
衲共參文佛麻衣泣拜高皇其五云去年六月廿七
虛度一年世法但嚴心內春秋莫問人間花甲其六
云慧業降生文人此去不留一字惟將子孝臣忠貽
與人間同志其七云臣年五十有七回頭萬事已畢
徒慚赤手擎天惟見白虹貫日其八云手著遺文千
卷尙存副在名山正學前身是寒山子徒死尙多抱慙
九云今日爲方正學前身是寒山子徒死尙多抱慙
請與同人證此其十云敬發徐陵五願世作高僧法
眷魂遊寰海名山身到兜律內院投筆令僧遶屋誦
經從容扇戶以襪帶自經道州遺意近體近纖近俳
田接寒山五古質慙有元死
多爲公安派所築令靖江日頗好內以風流作仙令
名士悅傾城自居卒能死國殆亦如文山早近聲色
晚殉大節者耶其赴選早朝詩云聖主正當陽鏡意
垂衣被狹小前哲章皇皇專求治求治陳初兆永漸
或太遽有君而無臣識者共嗟唱三鬻隙初兆永漸
幾旋備外皆河北城內猶朋黨比閭閻甚削窮市井
轉詬諄反開告密風投醢紛羅織雷霆失其時肅霜
殺羣奔昨聞下陳蕃今見遂賈誼此十數語均中思
陵之失所謂如燭照數計者

辛籤卷八
馬馱沙一名驥渚有小引

靖自吳大帝時始成洲蓋圍人蕃牧之地故名驥焉
相沿立一堞守之成化七年始改縣直可謂草昧建
侯耳輝捧檄來是中簡書可畏也瘠土可懷也拙而
作詩

良牧不病芻良馬不愛秣朽案馭天下一方慎宰割邦本民
之心釐舉皆厥末孤城荒草深近市艱作活十年蛋君都支
祈挾早魃石畬半禰凶窮戶死搜括寡嫗路旁嘸誅求老圉
康青青子襟子五月猶被褐奉命長島中下車增慘怛委吏
與乘田何以副審估既愧宓子堂敢歌召公蒞安靖矢素心
先祛衆譏聒良族共此庖鉛刀效一銛神駒起渥洼千里亦

騰越 五景校主人 八

守官 有小引

烈望燁輝承乏荒江不半年所而更調之檄數至豈真以令
罪與非也才不過欲遺之艱大試厥盤錯駕馬負鹽車而登
太行伊可慮也賴靖之士紳父老遮道留使君如申
包胥哭於秦庭諸當事念其顛呼得允所請予愧獎
借於上卧拔於下不素餐兮何以畀之乃作是詩

張官如置器唯其所布之一民亦難徇而况荒島黎尸位鬼
有責曠鯨魚將噬格哉先哲訓弗以小不爲靖雖五十里土
瘠俗久疲哀鴻正在野駭鱷未遠移十室九罄懸揮涕靡寸
禱穀絲環相迫瘡肉痛獨貽今自莅茲土疾苦詢叟耆祇有

辛籤卷八

九

安靖心弊祛福可視廉吏拙自守譴才陋更宜父老信其上
自我歌居居先世清白譜輒畏人所知不謂芻狗質誤受丹
鉛推題材於爨下顧驚以齧蹠終歲櫛五至艱大相加遺短
綆而深汲覆餗欲貽誰尺書馳長吏長跪三致辭士故各有
志守官敢自欺況從去秋後孱軀困支離胸旣藏二豎鬢復
織兩絲以此勵臣朔五斗甯樂飢百姓敦親長亦復戀恩私
願言借寇君卧轍且築障仁風旣再見古意殆未漓庶幾少
罪戾兼以永撫綏三徙名豈成將無類奕棋當路賴知我慨
然堅執持自今矢初志或不泣路歧

閨悔

高閣在荒郊主人夕鐫鑰杖策偶問奇清風滿林薄烏無城

郭音人解塵寰縛顧視而樂之橫琴命獨酌河朔敢自詡取
意避煩虐不如北窗人游神友寥廓羲皇去已遐陶令不可
作三逕日就荒秫田空負郭豈是饑來驅而爲一官瘼鑄鐵
凡幾州到底不成錯請讀歸來辭悟者何今昨

丹陽晚泊

江魚分饌野菱香澤國秋來苾袂涼斷岸有雲依小舫孤帆
隨兩宿前莊漁歌唱晚茶初熟雁影書空字幾行因過丹陽
懷古調肯教皮陸霸詞場

送李端木還茗上

島外風光似夜郎清時隨牒類投荒沙痕一曲紆村郭漁市
三家倚夕陽豈有酒樓眠太白過聞驛騎召賓王漢皋亦只

辛籤卷八

十

須臾事解珮偏留話柄長太白巖關觀鶴谷賓王熟吳水只
高代河西新開忽思湖上宅蘇白二公堤放鶴孤山下梅花隔水西

靈璧道中

靈璧道中兆恒字月如永豐人崇禎辛未進士除甌甯知縣徵
授南御史福王時擢大理寺丞進本寺少卿唐王立
拜兵部侍郎攻開化兵敗死於陣乾隆中 賜諡忠

靈璧道上

靈璧道上 姪女如雲蠟板歌月明輕棹泝廻波兵今隄上青青柳曾見
當年綵纜過

吳鍾巒 一首

鍾巒字峻伯一字穉山武進人崇禎甲戌進士除長興知縣謫紹興照磨遷桂林推官福王時授禮部主事唐王立進員外遷廣東副使未赴魯王監國拜通

政使擢禮部尚書 大兵下甯波入孔廟積薪自焚

死乾隆中 賜諡忠烈

鮑琦亭集外編吳公弱冠讓王文成公傳君錄悅之顧端文公講學東林執經從焉又遊高忠憲公之門而所宗主者為孫文介公之困思鈔年未三十已嶽嶽稱人師門下江陰李忠毅公應昇其最著也崇禎甲戌成進士年五十有八矣知長興縣與諸生講學從之者如雲奄人崔璘巡視鹽糧守令見之蒲伏公獨不往及以公事見長揖不屈璘怒太守亦怒中以蜚語削籍既罷官即有投老之意宜與再相頗以延攬清流為事遣所知道意公笑曰公為山巨源請容我為嵇叔夜公為富彥國請容我為邵堯夫甲申聞

辛籤卷八

士

國難絕而復醒曰吾友馬素修必死矣己而果然公憤士大夫多失節乃作十願齋說其一曰吾願子孫世為儒不願其登科第其二曰吾願其讀聖賢書不願其乞靈於西竺之三車其終曰吾願其見危授命不願其偷生事仇舟山師讀公曰昔者吾師高忠憲公與吾弟子李仲達死關難吾為詩哭之吾友馬君常死國難吾為詩哭之吾門生錢希聲從亡而死吾為詩哭之吾子福之倡義而死吾為詩哭之吾老矣一旦疾病死何以見先帝謝諸君於地下哉公至文廟右廡設高座積薪其下捧先師神位舉火自焚賦絕命詞曰只為同志催程急故遣臨行火浣衣時年七十有五

聞李仲達訃寫哀

落落心期在悲吟寄大招迷離南北樹凄斷去來潮黨禍今何烈清風古不遙應知首陽側孟博已相邀

楊文瓚 一首

文瓚字贊玉鄞人崇禎己卯舉人魯王監國授御史

起兵事洩死於市乾隆中 賜諡烈愍

不拜正學先生祠

一死貞心天地知
龍山崇建報忠祠
嘯鵲十族甘爲血
扣馬千秋更有碑
落日平原埋舊恨
淒風古木積新悲
遺編未泯猶堪讀
哭向蒼天問所私

林尊賓 一首

尊賓字燕公莆田人崇禎壬午舉人唐王時授兵科

給事中 大兵下興化死之有雁園集

蘭陔詩話燕公從朱孛岡起兵及與郡城破燕公具衣冠坐廳事作絕命詩別其兄師入大呼曰我給諫林尊賓也速取頭顱去遂見殺

南山行

辛籤卷八

七

南山起雲北山起電孤身中央不知其變一解平村落虎四鄰

伐鼓雖則伐鼓不如伏弩二解河水淫淫人知其深下有游魚

上有飛禽三解風雨蛟龍以類相從鳴鳳無陽不如寒蛩四解東

園種瓜西園種麥澆石生苔何時可摘五解

林洵 一首

林洵字習修東莞人諸生與張家玉起兵事敗死之

寄門人張芷園閣中

聞君江上擁旌旄共羨書生膽氣豪
家學舊傳黃石略漢恩新賜紫貂袍
一身許國風霜苦半壁支天汗馬勞
此日艱難知不惜沙場麟閣屬吾曹

